

禮記

丹陽集卷十二

宋葛勝仲撰

墓誌銘

故顯謨閣直學士魏公墓誌銘

紹興十年七月亥辛顯謨閣直學士左太冲大夫提  
舉江州太平觀魏公年七十有三薨於家先是天子  
覽公告老之章詔贈秩寵其歸至是覽奏嗟悼贈左  
宣奉大夫勅凡隱終之典從優比明年二月丁酉其  
孤即平江府吳江縣長洲鄉清流山公所為壽藏葬  
公而以公之世系爵里歷官<sup>壽</sup>土年及立朝終始大節

十一  
為狀來請銘某於公為同年進士數聯事有庠復玷  
外姻之未實與公習乃考次公事叙之曰公諱憲字  
令則世著籍吳郡以諱德者為曾王父以諱禧者為  
王父以宣教即贈開府儀同三司諱應誠者為父而  
贈榮國太夫人胡氏者母也公警敏辯慧頎然早成  
開府自主家事專為謀學年十二補郡學生試文有  
動人語校官石景略奇之已而名儒魯收分教京口  
公復提書就弟子列魯公知非近器也勵使游太學  
十六優中太學生選自是試輒先群彥閱數年積行  
藝升上舍文傳四方學者推為軌式紹聖四年第進

士時兄志先已中其科開府喜曰而兄弟能自奮拔  
吾門戶有寄矣調開封府鄆陵縣主簿擢教授杭州  
未赴改潁州府秩滿又教授真州未赴召入太學為  
學正逢徽宗皇帝幸學恩特授宣德郎大臣言經行  
修明可用名見訪聞帝善其所言除太學博士擢提  
舉兩浙路學士崇寧五年官省差通判恩州未踰月  
除辟雍博士歲中仍置所省官公領學士淮西大觀  
二年廷受八寶仕者皆遷一官公自言願輟所當得  
預封其親詔從之入尚書省拜職方員外郎三年遷  
為辟雍司業移宗正少卿遷國子司業政和二年春

公佐知舉試天下貢士有詔諉知舉察異論公初弗  
知既訖事而謄錄官許尚志上言貢士有言近詆訕  
者錄其文及號以進遠隸公考閱雖已黜猶坐不以  
聞罷為通判單州明年除江西路學事又改淮東丁  
開府艱哀稱其服終三年却酒肉弗御傾家貲築佛  
舍冢次日居其中閱所謂大藏經者盡其函軸瑩域  
有芝草甘露之祥詩人張景修之流作歌詩紀孝感  
者甚衆服除再以國子司業召時政和六年也惟徽  
宗初載罷科選顯以三舍賓賢能既即國南建辟雍  
後新天下黌宇教法周密人士慕嚮山陬海隅弦誦

之聲相聞庠序之盛近古未有抗者公於是時以學  
行見推徧歷中外師儒之選凡六為經師四長胄席  
五將使指可謂稽古之力而遭時之榮矣七年兼太  
子舍人時淵聖皇帝養德東宮公雍容陪輔使正行  
正言聞天下八年徽宗顧輔臣曰魏某趣操端亮方  
調護吾兒不宜兼他職除直龍圖閣提點萬壽觀俾  
專儲府文翰明年出刺衛州未赴又明年改刺常州  
劇賊起清溪連隔州縣聲搖臨境守宰選軟者類委  
印綬去公獨大修城塹誓將士以死守他盜緣間謀  
應賊者盡聚境上公連執渠魁戮之衆乃解散男子

矯稱權貴人將命表亡首見公者公聽其色疑之遣  
人露索見兵刃錄付獄得其謀欲殺州將嬰城以叛  
立誅之睦賊平錄功遷官二等且將璽書加勞宣和  
二年召拜太常少卿未幾給札試書命奏篇稱善除  
中書舍人賜三品服賁誣知平江嫉朱勔梳政痛排  
誡之勔切齒因數中以應奏事公在前屢申其枉會  
且以塞讒言嘗召至宣和殿從容坐語且稱守毗陵  
計策賜御墨及輕綃便回團鳳綵箋宣和殿石本迂  
給事中錫襲衣金帶兼侍講未旬歲除吏部侍郎銓

綜一遵法吏不能侮文黷貨六年以顯謨閣直學士  
知明州異時三韓使者朝京師及吾使報聘往返經  
郡共帳過厚調取市物百賈告病且耗經費不貲公  
腹削一從簡儉至使節出境而市人不知七年召還  
提舉寶錄宮兼侍講靖康元年正月金人逼汴朝議  
既與之成而將臣倖功遣使夜襲其壘不利淵聖皇  
帝帝召問敵人倘責渝盟何以塞之公言古者將在  
外君命有所不受斫營本非廟謀諸將擅生事爾已  
而金使來詰如公言答之金使為訕未幾解去時厭  
事者遂欲恬熙徹警公獨疏言敵情叵測今退師未

足喜彼方蓄銳以觀釁須百全乃發我之施置苟無以大服其心嚴霜折膠定復南牧盍大為寇至之備不報即請奉祠帝方倚舊僚助初政優詔不許力請至三四從之俄起知宣州是歲冬金人再犯闕如公言聞王室在難治兵赴援流涕遣行勉以忠義士莫不奮會建康軍叛公以地隣尤謹武備有亡命卒數人挾軍勢頡頏叫譟市中聞公遣捕乃建康手殺官吏者磔其尸以徇民以按堵今天子襲尊號之二年召赴行在再除吏部侍郎時銓曹案牘散逸殆盡選者與吏並緣為姦冒名寄版者相隨屬也公建請嚴

保任以覈實開告賞以扼姦急期會以取闕由是注官者無淹停之恨而姦偽無所容時駐蹕廣陵公屢求對建言古未有背天險而為都者金之勁騎由京西不五日可至淮泗宜有以誤之以足疾四上章乞骸骨得杭州洞霄宮以歸結廬近郊不事華與棟宇芥木而已以止止名其菴視書餘力課釋典習禪定去此惟延賓客教子孫優游求志蓋十餘年最後除知饒州公既倦游矣辭不赴復為江州太平觀終時無疾危坐禪榻取水盥手泊然而逝官自宣德郎十有二迁為左太中大夫爵文安縣開國男食邑六百

戶妻范氏兵部尚書鏗之女封碩人治家賢有軌則  
男長曰持應天府司錄早卒次曰峙嬰疾不仕次曰  
壽卿右承事郎孫男曰興宗主福州長樂簿曰興邦  
主宣州宣城簿皆濡染義訓篤學自立長女適建康府  
司理陳希平次適宣撫司幹辦官陳朴孫女適右承  
務郎葛郊曾孫男女各一人公為人修潔寬厚競畏  
諒直言動無可擇之關於經微言與旨多自得授業  
方郡著錄者常滿門兩侍經幄不專事章句至治道  
得失禍福安危之機必反覆論說以効勸戒文章開  
闔馳騁應用不窮而歸於體要徽宗嘗稱曰魏某草

制近世詞臣罕及淵聖居儲亦曰魏舍人文不掩畧  
真軼才也有文集二十卷奏議外制各十卷仕進不  
肯稍貶以求合故塗轍方進輒不得居中然直道正  
言為人主所託亦以此出未久輒復召用臨事不苟  
在成均嘗較月試有文高而擢第一者既啟封乃一  
凡子公疑之名與語質問文意首末漫不知答驗卷  
首類有拆移錄案吏致於理具服通貨共為姦倖人  
服其精察於同產篤友愛先己子孫而官兄弟子若  
甥凡四人以財市義交遊親戚空乏者與我乎足增  
廣義宅義莊以衣食踈族給事中傅公墨卿奉使海

東嘗請於朝表其問曰敢敢義平居善自傾下以賓接  
士大夫與人交久而不變前後荐士登朝為柄臣法  
從者踵相躡沒之日官居野處皆痛傷之嗚呼公賢  
於人遠矣銘曰魏實姬姓畢萬始封東西二祖厥後  
顯融竭竭顯謨才優德豐開跡東南維辰之遙於穆  
徽考肇興辟雍烝我髦士大振文風闋二十年公為  
儒宗率德講藝士莫不從帝用嘉之曰惟汝忠詞垣  
瑣闥講幄儲官僉曰汝諧汝往即工公拜稽首敢營  
其躬曰可曰否獻替彌縫出殿方郡戡亂夷亮膏枯  
醒暘有謀有功出入三朝責難以恭晚謝周衛歸從

赤松府以訃聞帝恩飾終清流之源山縈水重礧石  
琢詞詔美無窮

樞密吳公墓誌銘

政和三年正月光祿大夫知樞密院事武昌公抗疏  
言臣老被病自度不能復任政事願賜骸骨歸里閭  
降御筆詔弗許戒毋得重陳且命有司章上勿復納  
時朝廷尊榮邊鄙不聳上方倚眷舊德而公求去甚  
力入對懇切上不得已拜武康軍節度使知洪州凡  
禮秩悉視見執政許其子接領祠宮自隨除直祕閣  
以罷之數遣近侍訪所欲及陛辭日慰勞周渥全月



上一疏奏事曠有飫賜晏有腆樂出都門復遣近侍  
換問大丞相太師魯公帥二府即寓館訪別且謂大  
臣進退之美近世鮮儷中朝荐伸雜然譽歎之公涖  
鎮踰年條教既孚兵民豫附移知廬州會繼四上章  
祈罷節鉞三上章祈謝事御筆詔有曰耆齡微志理  
或有之卿素懷忠義神明監相葯石旋効何感而上  
書歸印七月辛巳以公薨聞上為一日不視朝贈開  
府儀同三司錄所當任者特以文資官之勅本路計  
臣護辦喪事聽其家常上其子若孫一人任本部官  
親篆墓隧之碑首曰舊德褒賢之碑復命史臣臣某

誌其墓臣某承詔退伏考公以宏才偉望受知三朝  
自承轄歷東西侍郎遂長樞筦履正秉義勸相國家  
出處始終不見玷毀克保富貴考壽屹然為世重臣而  
勲名思禮之盛在法宜紀以勸後世其敢以固陋辭  
謹武按武昌公諱某字某姓吳氏豫章人神烈真人吳  
猛之後也上世嘗徙籍臨川自公復家豫章曾大父  
某贈太師昌國公配曰韓國夫人傅氏益國夫人杜  
氏大父某贈太師慶國公配曰越國夫人晏氏魏國  
夫人葛氏晏即丞相元憲公女也父某池州錄事奉  
軍贈太師秦國公配曰燕國夫人饒氏公幼孤克已

自立博極載籍尤精先後漢書入太學衆儒推稱之  
嘉祐八年第進士調潭州攸縣主簿見謂習事守燕  
度器之表置幕府推行常平新書有精識課最卓異  
會開梅山均給蠶人焉方是時天子修書先朝政事  
略盡大興禮樂學校以文太平公調娛將順與有功  
禁田招集新附有勞疊二賞改大理寺丞論者猶以  
不侔功遂遷殿中丞知安州景陵開封咸平二縣熙  
寧八年東南飢選公計置六路振濟米斛時州縣定  
簿法均後錢守長率未燭法意科指舛逆大司農上  
公咸平政蹟乞就除本路勾當公事官措置從之奉

使還擢司農事主簿俄遷丞召對神宗奇其材除河  
北西路常平項之入覲奏事殿中神宗面諭以究心  
民事不孤寄屬賜朱衣銀魚移京東轉判運官就陞  
副使朝廷更制鹽筴之初公在東土累年處畫精審  
豪商右姓不得擾開闔之柄而利歸公上坐取緡錢  
數百萬贍一路且輸其贏以實中都策功增秩一等  
賜三品服神宗使河北路取以為法詔蹇周輔李南  
公與公會議境上數降璽書褒獎最後御批以謂內  
外財計之臣政績著驗未有加吳某者其議所褒以  
顯之遂除天章閣待制京東都轉運使詔以本路鹽

息錢百七十萬市絹給河東馬直不兩月又以辨聞  
詔復獎諭知密州范錡建言板橋椎易之利神宗獨  
委公籌之公又建請利國監歲鑄大鐵錢二百萬以  
佐關陝兵食神宗閱奏大喜曰居京東而卹他路幹  
國器也悉可其請元祐中公擯不用且十年榮悴一  
不嬰意紹聖初哲宗躬斷以前所坐非罪亟召用之  
起知鄆州未赴改蕪州復集賢殿修撰為江淮荆浙  
等路發運使俄復天章閣待制漣水支家渠歲久頽  
塞漕引由礙累議疏濬迄無堅決公起徒役治之上  
功進一官汴口流齒舊有收痊之令然暮夜多順流

入淮公命設網索於地下自是歲疫倍前人以為有  
陰賜也名拜戶部侍郎哲宗命以元祐責告悉納尚  
書省燭棄之進戶部尚書除龍圖閣學士知開封府  
以嚴繩下豪猾懾服請置四廂通卒營房攝錄盜賊  
使都人夜戶不閉長老言前治京師者莫及上即位  
以為永泰陵橋道頓逸使旋改真定府永興軍安撫  
使未赴改復土橋道事出知和州以醫葯濟病者所全  
活甚衆除龍圖閣待制陝西都轉運使尋魚制置解  
益崇寧元年名還再尹開府奏對剴切上竦聽再除  
戶部尚書舊以三司開封為省府號難治公皆再踐

其職撥繁整焚魁然有異等之効上以為可大用拜尚書右丞以取復撫定鄆鄆鄆州數遷秩拜中書侍郎遷門下侍郎大規初以年臻七十累求致仕除資政殿學士東太一宮使故事罷執政金帶換御仙花恩特許服毼紋遂着為令自公始也坐法左遷端明殿學士知亳州言者謂不當會藩東南改提舉鴻慶宮居期年復資政殿學士知徐州言者復申前論罷之大觀三年上以元豐侍臣不當以久置間左起知洪州移太原將及國門遣使者郊勞賚錫加等及對遂以神祐觀使留京師再除門下侍郎歲中遂除知

樞密院事嘗從容奏請通追先烈在堅其志且以見堯舜羨牆等事廣引詳說及獻備邊選將要議上皆嘉納之每定大政輒遣人中就第咨訪事多施用上以諸路漕臣失職嘗賜御批曰漕臣不營職業惟以干叩朝廷為事曩者卿任京東未嘗告乏蓋材與不材所致也預議元圭進一官公典樞机以周慎自著忠言鯁議多造膝啟沃退未嘗語人然論者見其君臣相得禮意篤備而一時疆場無虞兵革偃戢河西朔北爭効職貢則知帷幄運籌之功為多公仕五十餘年積官光祿大夫勲上柱國爵武昌郡開國公虛

邑五千戶寔食邑一千二百戶夙被簡注前後所得  
上蹟甚富建閣襲藏於豫章里第御篆褒賢之閣寵  
之飭尚方勒金字榜馳賜公刻石叙榮每遇天寧節  
及上本命壬戌日必齋戒召方士啟醮閣下祝千萬  
歲壽費出廩祿及為先令又戒子孫毋輒廢公机鑿  
通悟而質厚謹孚自少訖老無一日置書不讀晨興  
奉朝請亦視書待旦手抄歷代史記百餘秩文詞典  
雅尤工詩慕杜甫氏上覽之常賞激或俯同其韵且  
命以平日所為錄進公進數百篇優制稱述焉有文  
集一百二十卷少貧依中表楊南仲學其妻李賢之

及後貴李猶無恙以母事之移世賞官其二子公篤  
於節誼多此類也屬續神明不亂享年七十有七娶  
劉氏封豫章郡夫人某官馮京女甥也子四人接今  
為朝請即直秘閣提點洪州玉隆觀學行孝謹名能  
守家法擇故通直郎括授皆承奉即女長適朝參大  
夫李祺次適宣義即無為軍錄事劉蒙之次適朝散  
郎知池州呂滌幼封孺人未嫁孫男五人興祖承務  
即江南西路轉運使管勾帳勾壽祖將仕郎監兗州  
東嶽廟慶祖登仕郎衡州南嶽廟榮祖承務即孫女  
一人封孺人未嫁曾孫男成傑政和五年某月某日

英進賢縣麻仙山銘曰惟吳之先肇自太伯神烈  
真人名垂仙籍福祚後昆源源其澤是生開府資遠  
逢時奮取侍從神宗所知崇寧之初天子顯柄適圖  
康功拔舉衆正公來自西陲對崇政開陳大謀動寤  
萬乘乃尹三輔乃躋六卿帝頽在位敷求輔臣曰惟  
汝賢國之元老誰其綏予自我聖考俾貳政机進長  
樞幄密勿十年文謀武略端委廊廟精神折冲衝三陲  
不警臥鼓橐弓公拜稽首抗章乞身帝曰畫繡歸榮  
里門南昌之封武康之節既暨戎容建旄授鉞公以  
訃聞燕朝輟視一品正司衮衮以繼公功在史亦紀

旂常勒銘幽宮公則不亡

朝奉大夫吳公墓誌銘

崇寧三年十月某甲子天子臨幸太學既奠謁先聖  
退即論堂延見生師正坐聽講時錢塘吳公為國子  
司業被召講易大有析理入微音吐鴻暢上谷異之  
頽輔臣稱其邃於學術就錫金紫服且進官一列不  
旬日召試制誥奏篇合旨躡拜中書舍人公入謝上  
曰佐教府而除書命未有前比也方是時庠序之教  
外薄海縣賢能賓貢雲集京師車駕大昕視學官上  
舍生十六人餘推恩有差以風四方而公師儒首被

獎擢寘身嚴近名譽尊顯一時衣冠歆豔之公細諱  
字子進少委節學問強記該覽本豐源衍文辭立就  
熙寧九年擢第調滁州司理參軍公以業進士而得  
學究出身非其志也去之再試有司西居第一復預  
廷試神宗嘉其志曰詔下第並賜同進士著為令自  
公始也調應天府戶曹朔部漕臣辟官勾運綱時常  
平書始頒郡邑吏若民率未曉科旨公著為論說明  
示天子德意識者聽之元豐初選簡中外校官始為  
試法公獻所為文得名試坐試席者百數屋以四人  
名聞公為選首學者習誦其文除太學正遷博士改

宣德郎丁外艱服除元祐初出教授齊州未幾遭母  
夫人憂服除又教授蘄州顯以經述誘接人士每曰  
聖人微言具六籍豈宜猥狗時俗而輒自為飛墮追  
時好者皆笑之逮紹聖初再以博士名歲餘遷太常  
博士序遷丞建議天子事七世宗無常教仁宗神宗  
功德盛大宜為帝者百世不毀之廟言當上意章下  
有司施行特降璽書獎諭後遷復順祖增置九廟議  
實自公廢之哲宗欽慈二后復土附廟屢抗大議雖  
弗衆逆指弗頽也入尚書省為屯田員外郎俄易主  
客遂遷司業學術行藝為諸生模表著錄者數千人

其為訓詞深厚綿密稱進退白黑分明未幾以顯謨閣待制知湖州網絡張設如世吏師訟詰益簡庭無通事老吏駭伏曰是未嘗更治郡所為乃若此耶俄屬疾召諸子曰四体不支大期迫矣為我求謝事語竟奄然而逝大觀三年三月某日也公夙與學佛者游領悟密諦故屬續神宇不亂年五十四官五遷為朝奉大夫訃聞上為憫惻特贈公五等優以賻賜勅有司護辦喪事以官舍處其孥且特官其子若干人惟吳氏世序有諱公約者仕唐僖宗為台信二州刺史晚家杭之硤石於公為五世祖故公為硤石人

曾大父廷贊大父熙之皆不仕父戮以進士推恩調江寧府溧水簿以公恩贈朝散郎初硤石未有學者朝散始擇里之秀民勵使為學一方趨從之後不數年文學之士繼出而公獨先貴公性湛靜不汲汲顯仕分教太學生出入十五年官奉常積七歲不遷未嘗有坎壈滯淹之嘆已而進位顯劇每入對輒逡巡求去當世以是高之娶太原王氏封某縣君男長曰序賓某官次曰次賓擢進士第皆有學守女長適某官王濤次適某官惠柔民諸孤以某年某月塋公于某縣某鄉之原以予雅素且職太史見諉以銘銘曰



揭揭吳公道貫六學纂詞射科屢見頭角說經雍泮  
鏗鏗嶽嶽遂司胄子斯文所託乘輿來臨勸講幃幄  
帝曰惟爾多聞守約其代予言往持從橐殞於一麾  
卹典優渥銘以昭之死者可作

朝議大夫施公墓誌銘

熙年六年神宗廷策士擢余中為天下第一與開封  
禮部第一人皆著籍常州是歲州舉進士中第者四  
十餘人號稱東南儒學之盛公弱冠在選中志行高  
整舉止嚴重識者推為遠器其後在政歲久朝廷閔  
勞官賤之事以上大夫食宮祠之祿而長子炯嗣以

學識論議蒙擢序除提舉河北路學事入對以親春  
秋高懸易近鄉一官詔特改淮東路遂迎公至部所  
已而易使江東其治在鄱陽道險且遠復諭於朝請  
移治他郡不報則迎公至金陵往來色養方是時公  
之同榜凋喪略盡獨公歸然康強教從子官享安輿  
擊鮮之奉蓋公仕四朝歷官五十五年矣始歸政天  
子於是措紳又推公能儻其德克享壽寵為世可願  
云公諱大任字和叟姓施氏始名天任有所避更名  
某又有所避更今名其受姓自魯施父至漢儺為博  
士延為太尉其昆裔散居南土公之先居建康李氏

時徙常州今為武進人大王父某不仕王父某贈殿  
中丞父某朝奉郎知臨江軍贈金紫光祿大夫世稱  
篤行君子公幼奇穎視書一再過輒記十一歲以文  
見王平甫大蒙賞識長從王補之受業時新傳未出  
諸儒於師說或未悟退省於公公為部折輿境人人  
得所未聞繇是以通經致名初調越州上虞縣主簿  
真以州軍事推官知越州錄事參軍遭臨江夏去職  
卒喪監杭州在成都稅院轉左宣德郎知秦州海陵  
縣以奉議郎朝奉郎通判淄州賜五品服以朝散郎  
朝請郎朝奉大夫通判舒州以朝散大夫知南康軍

以朝請大夫管勾衢州福唐觀台州崇道觀賜三品  
服尋上章請老淵聖即祚遷朝議大夫公在越州鄉  
民有過失殺人者縣牘以故坐之公為平亭得減死  
倉吏受賕被考案其所親方為使部者佐吏曰連引  
以覲軌法公察正事情愈急併寘之理人服其平六  
校吏考閱帥守皆貴卿不敢以公礼相格趙清猷公  
嘗語人曰施君年少而德老非凡偶近器也亟荐之  
鄭敏中每引以佐裁決且使代牋奏而皆歎奇之其  
眼筦權能不薄其官而親靡密細務課皆美元額在  
杭州其僚有游子每負盛氣陵公公弗校居亡何其

人以不法被案公為申救甚力迺始媿服而公以此稱長者海陵官寺與天慶觀為鄰觀方士徐守信方以知人禍福死生傾一時中外皆神之勢烟熏灼其徒因請縣隙地以廣觀宇公叱不許則誘州將求之公曰令雖卑然聽事之地朝夕度君命與守寺雖尋丈豈敢輒與人令不去地不可得訖公在事不能奪歲大水按田者不肯以實蠲賦公固爭於郡使民得復乃已其在淄也會初頒學校居養安濟澤漏等法使者督川縣如東濕公能佐其長以豈弟行之事既振舉民不告病劇賊即四有衆數千行剽劫為京東

患公被檄迎捕能合精銳設籌策使渠率効首民賴以安歷佐舒守二人前至者政病寬後至者政病猛公從容其間隨事調聽政無以疵而人不知自公出也南康當九江湊故號難治公至則求問民隱得一二奸吏擿其宿負而流之闕闕子特廕橫恣閭里訟至輒披籍計其累坐當以不贖於是疆梗震栗相戒無犯公法郡中翕然稱治廬山在數里公畏煩擾不一出遊人或異之則曰吾清操雖慙前人然政欲一杯水亦不飲爾結課為一路最坐官屬輸絹不中幅免選里中即市宅梁溪上築小僅足庇寒暑風雨日

從故人賓客棋酒為筵樂未嘗以榮槁嬰意晚病痲  
寢殆諸子在官者各取急馳歸時神檢猶自如閱古  
今詩不輟倦則使人旁讀以聽靖康元年年數七十  
有六某月甲子終于里第公志尚剛介師祖道德恥  
於馳驟進取故仕止吏二千石王元澤嘗使人求其  
所為文將以校官荐之公謝不與范忠宣公蘓子由  
皆公知舊當輔政時不以衣裾撤其門於交游無未  
隙然一聞其貴則絕不與通性沉厚早謙雖過後輩  
必遜言恭色尺牘非親札弗以與人平居肫肫以名  
教自律不敢差跌奉親篤孝共養若行喪服皆不奸

先王之禮親沒既久言及之必與涕俱凡持官將身  
一以臨江府君為模表嘗循牒至齊之歷城府君舊  
治也徘徊悲傷從長老訪求善政遺事歸鏤石示子  
孫家政母夫人處畫者畫畫不敢易歲時蒸享前期  
祇祓躬視豆籩竣事則親滌而藏之二弟幼孤教之  
儒業不以愛故弛課貴不以貧故急供億卒皆能取  
科第為知名人致仕思舍子若孫而上弟之子堪鄉  
閭言孝悌者指為衿式為所著書三十卷其文閎博  
辨麗詩尤入作者閩城娶舅女孫氏封恭人前卒子  
五人男長曰朝奉大夫江南東路提點刑獄垌次曰

從政即越州會稽縣丞堦次曰文林郎楊州司士曹  
事挺次曰迪功郎均次曰將仕郎垓俱以器能自見  
女適陳瑋孫迨俞愷皆進士孫男五人廣仁廣成廣  
受廣孫廣譽女七人諸孤既以公沒之年十二月癸  
酉塋公武進縣懷德南鄉朱夏村之兆而見屬為之  
銘某既辭不獲命退獨念先人清孝公與公並時擢  
第伯兄大司成謂公友壻而公季朝議大夫知海州  
大倫予妹夫也幸緣奕世之好從公周旋有年實熟  
公行治乃不敢終辭銘曰猗嗟公乎何衆德之豐乎  
豈間氣所稟不與人同乎將能以其所學而擴克乎

砥名礪行其以古人為宗乎以身殉道其肯往已而  
取容乎紫授丹轂豈曰不逢乎碩不究於大用豈天  
將燾其後而不于其躬乎朱夏之原抑神閟此吉壤  
而為公宮乎其松其楨過者其敢不恭乎

丹陽集卷十三

墓誌銘

左朝議大夫致仕祝公墓誌銘

宋葛勝仲撰

公諱康字道濟崇寧元年守魯郡時某分教諸生公  
遇之厚因與公之子天輔周旋後十三年天輔之子  
將仕郎溫彥踵門泣曰先大考塋宜有銘先考欲求  
夫子為之今敢以治命請讜行許之是賜逮三世也  
乃撫其狀叙曰祝氏著藉單州成武今為滑州韋城  
人公之父曰諮兩第進士積官至太常少卿糾察在

京刑獄贈金紫光祿大夫娶天水尹氏女生公是為  
永嘉郡夫人祖曰惟嶽卒官虞部員外郎贈戶部尚  
書祖曰密贈殿中丞公性夷澹無浮念外好獨喜視  
書載籍畧皆誦記名能文辭四頁禮部一為舉首以  
門蔭補將作監主簿第試異等賜明經出身入刑部  
為習學公事法直官又為檢法詳定官入大理寺為  
法直官又為評事入書局為官制檢詳文字又為元  
豐編敕所刪定官刪定一路敕令又為元祐敕令所  
刪定官入尚書省為刑部員外郎又為郎中除知趙  
晉潞兗四郡管勾南京鴻慶宮遂得謝官自承事郎  
十遷為左朝議大夫勳自武騎尉十一遷為柱國服  
佩朱衣銀魚初金紫公屢更中外法理之選小大之  
獄申理枉撓甚衆故公于刑名之學目濡耳染不習  
以能元豐中神宗皇帝欲入仕者通習文法始建律  
學又每歲聚天下士課試刑法錄上第者顯擢之凡  
廷尉憲部臣屬皆推擇除授而公與兄庶首被識拔  
並游法寺衣冠慕之公于斷獄論議持平人謂不寬  
至刊定律令立言寓意非法家識慮所及故凡置局  
輒預累朝刑典悉關其手出刺全趙施張網絡如世  
吏師大姓范某以姦俠亂吏治前二千石欲制者輒

持短長公疏其宿負逮繫累月案致其罪郡中股粟  
民吏大驚相戒毋犯公法蓋公前此未嘗更民事也  
達官勢人荐其材者四十輩在上黨頡以愛利為心  
歲比不登誘溫戶出粟廩餓者全活萬計死者具衣  
搆收瘞之遺愛至今誦民口在東魯為朝廷大興學  
歲貢賢能辟廡復古賓興法公讀詔奮曰吾邦孔孟  
舊里周公封國也修起學宮宜甲他郡因撤舊宇一  
新之為夏屋三百區間從衆儒論難經訓文風大振  
隸弟子藉者數百人郡事靡密煩碎必躬親之結課  
異等既受代天輔為鄆州州學教授近請之官崇寧

四年三月丁卯以疾卒于鄆春秋六十有七公天資  
粹和志行高整好延譽人而樂人規已接待僚吏恩  
施甚厚有過者平鐫使改不使麗罪人皆德之內行  
甚修居母喪毀瘠不食鹽酪服除有出世間意以父  
命勉仕故訖其身惟衣䟽布進侍親油油翼翼寢食  
不敢先輟奉賜班宗族之貧者猶子天任蚤孤撫之  
盡其恩先已子而官之仕遵三尺因俗為政雖寬猛  
異施而所臨稱治先娶清河張氏贈旌德縣君今夫  
人洛陽范氏封崇德縣君改封永福君恭人皆有賢  
操男即天輔好學自立試吏部第一舉進士又舉宏



辭皆中第終承直郎孫三人長即溫彥次清彥冲彥  
女適武學博士李子奇亦屢登科選庶今為朝請大  
夫提舉西京嵩山崇福宮天任今為朝散大夫公以  
其年十月癸酉塋開封府長垣縣太平鄉永寧里鄧  
崗之南原銘曰陶唐之後中絕不續武王反商國之  
于祝單父大家再徙韋城自公顯考總國祥刑申直  
頗類為天下平騫翔要塗公寔濟美決獄判令不為  
峻詆入為臺即出長郟治以法為師得法外意在昔  
仁者子孫必興于門駟馬虞胄九卿公躬弗羸隱德  
多有源深流長寔壽厥後

朝散大夫致仕柱國賜紫金魚袋侍其公墓誌銘  
公諱璋字良器姓侍其氏蘇州長州人世序自先漢  
廣野君之裔孫賜氏食其後有為武帝侍中者因又  
合官與民而稱今姓曾祖仕李氏知吉州歸朝任監  
門尉大將軍贈左神武衛上將軍諱禎祖右侍禁諱  
憲考贈右正議大夫諱泳家世以武顯族大且貴聞  
天下公獨自刻習儒學詞章從進士試皇祐二年中  
第調杭州富陽開封陽武二縣主簿掌書記閬州改  
著作佐郎知池州建德縣遭正議憂服除知光州固  
始縣監鄂州酒又知吉州之永豐簽書桂陽監判官

稍遷通判全州移刺化州又刺池州表請致仕積官  
至朝散大夫勲柱國賜服佩視三品富陽故兩稅局  
一隸主簿公至課輒倍他日專征者負殿且罷斥公  
悉推羨數畀之使償逋額課更以最上而公以此稱  
長者陽武官僚繼踵坐法免公齒少獨當大邑風政  
凜然殊異府尹包孝肅公材之檄攝右軍巡判官至  
則為之盡力有亡命卒坐剽金論棄世獄具公覆視  
文案疑有冤訊得其情白尹為平停之囚以不死在  
職滿歲申活枉橈以十數濟辦府事隱然名動諸公  
尹滋材之欲表為真人謂公且階此顯仕而公方薦

所知自代尹義而從之河水怒溢嚙埽決壞朝廷出  
制使馳視公身臨水衝料丁壯蚤莫護作遂以塞聞  
任事者皆進秩獨不自言在固始詢求遺便嘗穿永  
清南津二渠漕粟溉田交賴之永豐大姓持吏短長  
因橫恣漁食閭里又土俗以鼠尚蠱毒殺人公禁沮  
立絕全守武人不開吏治公陰為處議每條教下自  
幕府不知由公出也化州僻陋下車築校舍置生師  
誦說間為擁經親授義訓人士知趣學自公始也有  
州自海南代還逕郡市征者故與有仇以匿貨文致  
其罪公廉知狀為處平之州佐欲挾公修憾則疏其

宿負求窮竟之公亦無所聽繇此兩人交德公因有  
坐至重辟者為奏讞得減罪一等已而錄見輒縱出  
之佐吏大驚公曰是羸瘦不堪杖杖之必死讞之前  
而殺之後其去幾何人服其敢為居六年不代化行  
南土歸裝無嶺外一物當世清之在池州籍記桀猾  
主名或犯禁輒披籍與重比以故姦不迹境郡中翕  
然稱治未幾召還遂請老公性靖退知止足奉公孤  
立介特以質謹自將不肯撓節媚權近仕進淹晚一  
不綴懷夙嗜學問喜聚書自少訖老未嘗一日去篇  
籍不觀工草隸善屬文賦詩尤多時稱佳筆製續千

文行于世內行孝友加人始官錢塘迎祖母賈氏夫  
人以養承顏盡其歡是時族干指賈方專家政能使  
忘歸焉服前後喪皆哀懼不自勝吳中貨業前推以  
贍同產子晚節無所於歸因徙貫宣城招季弟共居  
視遇與已無厚薄退居十年論義本忠厚專以表善  
調急為心江左衣冠仰為軌式春秋雖高精明如壯  
人俄屬疾甚微沐浴更衣命左右掖坐若將寐者泊  
然而逝崇寧三年十月丙辰也壽八十有三五年九  
月丙申葬于宣城縣萬松山之原母夫人王氏太原  
郡君兩娶施氏封仙居永嘉二縣君皆有賢行男六

人鉉桂州永福縣令錡前卒鐸通州司法參軍鐸釗  
舉進士皆有學守孝謹祥順名能世其家女三人皆  
嫁婿路慶隆為左班殿直蔣忱為藤州鍾津縣令王  
彥思為鄂州蒲圻尉孫男女十三人某侍其自出也  
先夫人北海君于公篤友愛平時道公事不虛口故  
其不肖子得公世次行治勞烈為詳義不敢以疵賤  
辭母銘也因泣銘曰侍其之先高粱啟封以官命氏  
繇漢侍中逮公曾祖脫迹建業以武奮功桓桓累葉  
公以學藝收科自躬與道進退不棘於逢龜紫朱輪  
吏二十石豈曰不逢未配名德惟德之配天則大之

康寧壽耄子孫頌頌有窾新宮兆墨云食詔萬斯年  
篆此幽刻

右朝散大夫侍其公墓誌銘

右朝散大夫北海侍其公諱鉉字希聲紹興七年正  
月辛未得謝丙子終于宣城里第年數八十有一其  
孤升卿以其年三月甲寅奉公匱塋于縣仁義鄉萬  
松山先塋之東以其侍其自出謂公總兄實熟公世  
次行治再抵書求銘乃泣為序而銘之曰侍其氏自  
漢廣野君之元孫賜氏食其又三世始因官改賜今  
姓而望出北海者尤多顯至公之高祖諱禎仕李氏

知吉州歸朝授左神武衛上將軍生右侍禁諱憲始  
自建鄴徙家蘇之長洲侍禁生贈右正議大夫諱泳  
名清正篤行君子正議生公之考諱瑋起進士歷刺  
化池二州焯有聲烈贈金紫光祿大夫公以父任調  
永州司法參軍前律後令夙曉習吏不敢弄歲饑盜  
有強劫人禾而傷其主者州將且論死公固爭曰歲  
災不可麗以常法會德音降從流坐公仍爭之謂當  
以流為本罪而用赦未減已而獻以聞廷尉果是公  
議蓋公初仕不苟於職已如此用薦者遷貴州永福  
縣令擊斷明審廷無留事且受代府帥若部刺史惜

其去劄州鹽倉闕表公就職府帥曰吾僚通敏無踰  
之者仍諉兼幕府督司諸公曰我言其材規以自助  
因交屬以事公黎明坐曹夜漏下數刻始得休衆職  
俱辨魁然見頭角廣西並邊州縣例以官鹽逼新民  
使售公虞生變獨輦鹽入洞自置場鬻之民夷以為  
便課更大登以外艱去位服除會蠻獠初以平允從  
等州入版籍丞相唐公恪時將漕江東銜命撫諭詔  
以公為恪幹辦官公既馳至桂管代其長入險遠洞  
寨時酋渠情不測或請擁勁兵自衛公曰宜輸寫心  
腹綏懷之詎可以鎧仗市疑耶因單裝往蠻人始表

甲荷戈逆境上望見使者惟一二賓從乃投兵免胄  
就燕犒公具宣天子德意皆環公拜且泣曰不圖徼  
外蠻夷今霑聖化他種落艷寵相繼効土疆後使至  
不能如公示以悃誠變起尊俎間繇是廣人益追誦  
公之能使還策功第一特改秩授宣教即除在京諸  
軍審計院出知潯州公不鄙其民膏枯撫羸一以恩  
信民化服之州置監冶鑄鐵錢以緡計者儲數百萬  
一日更圜法命悉銷毀公獨奮曰事固未可知格詔  
存之後果復用省廢不貲代還除在京諸司糧料院  
擢知蜀州時方復古賓興法公慨然以誠意助樂育

鼓篋交至間有名士跡弛抵罪者輒縱舍之後多拔  
高第巴蜀文雅遂光前世秩滿除開封府司兵曹事  
以郊祀恩賜朱衣銀魚府曹牒訴叢委異時劇史抱  
成案持必于官公獨親裁事論貸輕重咸出已見無  
銖髮枉撓尸賴之朝廷知其材任劇擢潼川府路轉  
運判官欲用矣遇妻喪請郡使家除知徽州未行改  
均州遂請散局得主管亳州明道宮以歸初金紫公  
既倦仕樂宣城丘壑之勝築室居之蕭散十餘年而  
公名爵壽耄一與之埒談者推為仍父子之美云易  
簣前一夕與親友銜杯至夜艾體初無不平鷄一鳴

呼侍媵取燭家人起視已正坐逝矣公為人內方嚴而外樂易仕惟平進所泣有明怒之響獨喜文籍視他世味如嚼蠟也官永福日忽起親念即假歸冒瘴獨往返萬里不憚既除喪悉推先業昇諸弟之未仕者族子貧困異縣招致共居調護之尤篤數官南服歸裝無珠犀一物中年從方士學導引吐納術故年殊八十而耳目筋骸堅悍不衰官八遷為右朝散大夫娶劉氏太子中舍敷之女封榮德縣君累封宜人子長曰若早世次即升卿右迪功郎池州青陽縣尉女三人嫁撫州金谿縣丞王叔全左宣教郎前徐州

州學教授徐楫左朝散郎前興國軍學教授桂南升孫光祖慶祖皆以公蔭補將仕郎銘曰昭亭之陽兮張祁之里泉播播兮石齒齒靈氛卜幽窕兮曰燾慶而諸祉楸栢相望兮父母孔邇公既脩夫嫜節兮又申之以內美名光策書兮祭有孫子嗚呼公兮一無憾於生死神明其升兮體魄安此

左承議郎致仕丁公墓誌銘

吳興山水清遠世產第一流人本朝以文學政事風節致高位稱名臣者磊落相望而高蹈著聞者自祕書丞朱臨先生始先生皇祐進仕以壯齒得謝里居

自號少翁遠近慕其節師尊之自是邦人以知足自  
勵歸不待年者亦踵相躡公其一也公諱安常字權  
中世家湖州德清以諱某者為大王父以贈中奉大  
夫諱某者為王父以中大夫贈光祿大夫諱某者為  
父而謂少翁外王父也公少有識量彊立早成率諸  
弟游賢聞聲號籍籍光祿公遇恩當上一子公居長  
而請先其弟崇寧五年果自以經術擢進士第調開  
德府法曹參軍年少耳所為已卓越動人劇吏不能  
翫法弄事閱三年將解秩轉運使許几器其才常表  
以自佐遷從事郎澤州司戶曹事會朝庭營室下河

東調大木鉅萬異時役夫斫木太行類陟險峻手足  
偶失措輒顛墜崖谷死者不可勝計部使者檄公護  
役且誘以重賞公曰薄人於險而已尸其利非仁也  
始吾不願仕者正以違己為病今豈戀此憤哉因求  
謝事郡守丞力挽留之抑其奏踰月不上而志不可  
奪遂以宣教郎致仕是歲春秋纔三十八光祿公喜  
曰而夙慕少翁高世行今不愧之矣宣和末給事盧  
公襄守吳興與公有學省同舍之舊每叩門問政已  
而被詔朝京師率貴近交章起公因請俱行公笑曰  
門既杜脫復啓寧不畏北山叢篠譏人耶卒不屈中



年益厭城市喜菁山巖壑之秀且有葛稚川遺迹乃  
即其地築草堂環蒔松桂桐竹日徜徉其間未幾金  
人擾浙右士大夫南奔者無所歸公峙糧掃舍為之  
主有黃朝隱者素昧平生自金陵輿疾來求寓公為  
調護其疾俄不幸厚禮葬之公樂賑人之急槩如此  
兩逢踐祚恩遷奉議承議郎加賜朱衣金魚積俸錢  
百餘萬皆置不取紹興十二年九月某甲子公年六  
十有五終於家以其年十二月某甲子葬湖州烏程  
縣游仙里葛山之原配羊氏父曰奉議郎徽卿封孺  
人男曰士龍彊學有文嘗薦禮部曰士遜士元尚幼

女長適右修職郎江南西路轉運司幹辦公事閻鑾  
次適右承務郎葛邵次適將仕郎姚端誠孫男女合  
三人公性嗜書遇警策必手抄而心記與客語纒纒  
可聽自奉孔薄至可以利衆若聚圖書聘師友一不  
靳對童賤禮意恂恂與人交無新故悉竭誠悃一語  
一言洞見肝膈或問死生之理憮然應曰彼怛化者  
行有不慊於心者也吾委順而已洎且死起居言語  
如平時家人迎鑿及門已逝矣嗚呼豈退居二十七  
年之功用在是乎彼抵巇射進夜行不止而位高祿  
富碌碌與草木俱盡視公所得孰多耶某再仕此邦

晚復卜居近郊寔仰公行義且辱薦息女為孫婦方  
圖與公黃冠野服相從泉石間而公遽不幸悲夫初  
光祿公以進士起家入總樞貨出刺邠光二州有材  
力撥煩之譽官其子三人公與弟安止弟子雄飛復  
能挹世科而子姓與賓薦者相屬故今衣冠儒學盛  
家推丁氏興蓋未艾也銘曰丁公儀儀早謂瑰奇學  
于古訓弗懈弗墮一世所難獨勇為之一世所願願  
謝不窺天相其功開迹宏大以壯為老浩然夙退才  
雖不施志則云遂媚于林邱優游卒歲塗轍弗升於  
天奚懟天卒相之子賢而文圭組赫奕豈必其身

承議郎王公墓誌銘

公王氏諱登政和二年唱第宸筆賜名因字廷錫其  
先太原祁人自公五世祖始徙貫婺之金華縣公幼  
孤困窮痛自奮激學問既長名通經能文詞遠近學  
子請業者甚衆再中鄉書一以郡上舍升貢辟雍省  
復兩預國學薦始擢第調衢州盈川楚州連水二縣  
丞改宣教郎知越州諸暨縣秩滿差知潭州湘潭縣  
會課遷奉議郎逢今天子踐阼恩遷承議郎盈川嘗  
行令事人有詐為祠部度僧牒鬻於市者公發其姦  
捕得之格當增秩愀然改曰真人重辟而已顯其利

仁者為是乎因縱使自言卒用首法減死政和八年  
秋郡國大水漣口當淮泗下流支川所匯公俟水之  
未至增築城牒已而水噓城不沒者三版邑人謹曰  
微吾丞公吾曹其魚矣公復峙餼糧儲械用旁郡流  
移至者如歸全活數千計盜劫諸暨溫戶沈淵家久  
未得朝廷洎部刺史督捕苛峻前令執錢唐兵與盜  
同姓弟者鞠訊獄既具且上府會公視事以牘及囚  
辭氣參聽得其寃狀亟縱出之一府傳疑檄縣再錄  
囚雜治公弗聽明年盜自通於河朔移文至邑聞者  
始大驚服公之聽斷明多此類也仕歷四邑外嚴中

恕砥節礪操不可干以私湘潭官期滿踰年無趨治  
意方且市丘隴治棺絮若前知死生之數者俄屬疾  
語家人以去來常理易箒無憾以靖康元年四月某  
甲子逝年數六十有一大王考某王考某不仕考謀  
贈宣教郎公娶大理寺丞陳琬之女封儒人男長曰  
師醇次曰師心宣義郎監信州泖口排岸季曰師古  
長季俱嘗升名禮部孫男二人雲演諸孤將以二年  
三月丙申葬公赤松鄉黃枇塢而遣人抵書以銘見  
屬始某自大司成出領宮祠寓居襄賁因與公父子  
遊見公靜退不以榮槁措懷獨進諸子於學甚厲日

論說文義以磨隴浸灌之方是時師心始冠已能用  
經術取上舍第而師醇師古皆軒然有邁往之韻予  
固心器之矣其後師心為海州沐陽尉遇京東劇賊  
數千人浮海來寇公適就養在邑命引兵邀擊境上  
馘渠酋數十人降其餘衆一道賴以按堵太上皇帝  
多之降御筆詔褒諭衆譁說交譽而不知計畫多自  
公出也嗚呼使公得為世用智畧効見當如何哉銘  
曰既艱其成始發其榮宜永其享而嗇其齡絃歌兩  
城位不配能有息俊英亦足除乘吉壤妥靈孝子所  
營我為之銘以遠德聲

奉議郎致仕周公墓誌銘

公諱某字彥霑姓周氏其世序自晉左僕射顓繇安  
成渡江徙建康至公之高祖復避五季亂繇建康徙  
毘陵芳茂山之陽故今為常州晉陵人公幼聰穎後  
母俞氏撫之均已出故公雖壯長不知復有所生母  
其兄子彬且死屬其游故吏部侍郎霍公端友曰吾  
叔性淳至不知所生杭氏在外也可湏其登第語之  
紹聖四年公以進士解褐調開封府鄆陵尉還里中  
霍公具以告公聞知感慕誓見母乃出仕即以所賜  
袍笏束笥承塵上易野服菲屨走遠近村疇物色求

之一夕夢雨霽有指冢言曰此君母也詰旦之漏湖  
訪求有老父告曰我知之死再歲既葬矣引而示之  
冢時雨初止宛與夢合公慟絕即易棺衾護歸具禮  
改葬稅三年之服哭泣哀傷踰逮事者當是時同學  
諸儒共臨祭醊而霍公製文詞極酸楚後十餘年霍  
公執太史筆復作記叙本末以傳世云免喪補泗州  
司法參軍持議平淮南饑多盜大率規微利輕殺人  
公哀之每當以輕比所全甚衆盜有匿人之車者他  
日失車家復失牛意前盜執之掠死州將欲以殺不  
辜坐之公爭議請讞從之廷尉果當以不死遷通仕

郎台州臨海丞嘗按他訟寓宿僧舍有僧暮夜為訟  
者以金餉公求撓法公錄付郡寘于理秩滿戶部辟  
監萬歲院石炭場用荐者改宣德郎授建昌軍司錄  
事歸數月屬疾請老遂以奉議郎致仕遇郊祀恩賜  
緋衣銀魚宣和六年十一月癸巳終壽六十有二公  
性莊重而靖默孝謹質厚篤嗜墳籍三荐始得第以  
祿不洎因薄其官不復干進既謝事嚴除一室取異  
書洎黃老浮屠之學手抄節不知寒暑饑渴晝夜如  
是者蓋十有二年疾猶不置卷鳴呼與夫志在名利  
而以學為市者殊科矣執前後喪皆哀矜晚節每與

疾者<sup>省</sup>丘墓著先塋訓誡一編引古今冢墓神靈顯著  
事數十條以詔子孫有遺藁二十卷曾大父某不仕  
父某贈朝散大夫<sup>後</sup>母俞氏贈宜人所生母贈孺人  
娶沈氏封孺人子德先行先以某年某月日葬公於  
某原而見委以銘某於公為同年進士且又喜公之  
子賢孝有學守不墜世緒因樂為論次竊復觀近時  
搢紳孝德感通事迹類公者皆得表顯於朝具載天  
下耳目而公以位卑夙退事不大白因掇是節表出  
之以為公銘其辭曰棘天天其峻茂兮莪蓼蓼而愁  
絕母聖善而昧平生兮將趼吾足而求索后皇命靈

氛而降衷兮告以正夢而昭晰皤叟措馬鬣而相示  
兮痛春暉之永訣仰天泣血而心折兮雖稅服其何  
濟也聊勉以出仕兮終守丘隴而卒歲也蹇年位  
之甚瘠兮羌校德而特豐我書姦節於億年兮閱孝  
子之幽宮

右奉議郎致仕賜緋魚袋魯公墓誌銘

宣和七年天子冬祀上帝推恩廷臣提舉福建路市  
舶魯詹得其父為承事郎致仕歲中逢淵聖皇帝受  
內禪恩進封父宣義郎且乞以當得朱衣銀魚改賜  
詔從之上踐祚覃霑若南郊明堂恩詹為直祕閣福

建路轉運判官又累封其父為右奉議郎惟奉議公  
諱壽寧字景脩秀州海鹽人魯姓自魯滅於芋子孫  
以國為氏而扶風之魯漢晉代有顯人至橫江將軍  
肅始踰淮居吳之曲阿中徙嘉興隸名數海鹽自公  
父始公家故貧既孤與兄弟共理貨業雍睦聞東南  
稍溫斥所有闢文館延名儒教飭羣子弟已而長子  
詹舉進士中某科開迹入仕未幾以才器自見膺被  
識擢更中外顯曹劇部而公身及享其寵規摹智識  
之遠人士多之公為人外樂易而中方質出處取予  
常徇義而動恬於世味而奉已刻削中年教諸子勿

復以家政相關屏居一室食不擊鮮非披佛書則習  
禪觀精苦如山中頭陀轉識誓必生淨土紹興三年  
詹為樞密院檢討官取告歸壽其親俄以疾不起人  
謂公老而哭子且不堪其憂公一慟即知自廣處餘  
年營營二子並特賜第閭里歆艷而公無津津喜色  
盖公探道有得視死生榮辱如寒暑旦暮故哀樂不  
能汨其舍如此公生皇祐癸巳閱七朝更五百有二  
十四甲子而步趨視聽不衰顛髮猶黑九年秋七月  
屬疾丙戌召常徃還僧可觀謂曰吾誦彌陀經無慮  
二十餘萬他契經數不可紀已面佛自列師其證明

吾且逝矣俄召媼族叙訣復呼子孫前教戒各盡其  
意且曰我聞佛說執持彌陀號七日心不亂決生安  
養吾雖淨業已熟宜遵佛語復顯心七晝夜自是不  
復飲食語言惟口囁嚅若有所誦越癸巳亭午始泊  
然善逝正七日也曾大父承秀大父延厚父惟辯比  
三世不仕而德義有聞娶劉氏贈孺人亦篤奉釋教  
嘗嬰疾即醫錢塘命千僧禮迦文塔輿疾膜拜俄現  
毫光赫奕亘天傾城來瞻讚歎希有瀕死亦有善證  
嗚呼豈夙昔與公同為善知識乎其緣契之符也  
子六人長即詹終左朝奉大夫次慧靜出家為比丘

次暮右迪功郎監潭州南嶽廟次譽未仕嘗嘗皆左  
迪功郎女一人適進士陸紳及公之存孫男十有三  
人可度右迪功郎可久可儆右迪功郎新授江州彭  
澤縣尉可立將仕郎可封右迪功郎湖州德清縣尉  
可復可傳可大可輔可觀可宗可受可羣孫女十四  
人曾孫男女七人公以歿之年十月癸酉窆于縣東  
武之原與劉孺人偕葬暮等清明邁往力學問自立  
諸孫復嶷嶷見頭角今推儒學聞家必曰武原魯氏  
流慶益未艾也以某有連猥屬以銘不敢辭銘曰本  
自無生湛靜真常寓形樵李豈曰公鄉本自無滅圓



明虛寂藏鬼東武豈曰公宅西方妙樂以淨為緣淨  
業相應報土現前不歷僧祇得大解脫銘以著之用  
警來哲

丹陽集卷十四

墓誌銘

宣義郎致仕王公墓誌銘

宋葛勝仲撰

公王氏諱繹其先京兆萬年人晉代徙貫四明有諱  
文序者仕錢氏為奉化令吳越國除從歸朝又徙蘇  
州今為平江府永冠著姓文序生愈舉進士五對策  
於廷入官卒贈左金吾衛大將軍於公為曾祖金吾  
生琚歷廣西淮東二路提點刑獄贈左武衛大將軍  
於公為祖武衛生安仁知沅州單州事娶長壽縣君

丁氏生公公字彥成懋德自立處家庭孝恭慈良有  
愉色之順君鄉黨清正愿慤無擇言之闕該覺羣籍  
尤邃於易手抄諸儒章句數萬言家貧屢空不營資  
業客或啟勸輒酬以他語奉身貶約遣諸子受業給  
與費顧豐泰已而二子崇裳以詞藝顯名相繼投上  
舍第効官近境公徃來更就其養在公府簡默不交  
人士設棋卦自為勝負置酒鐺自為獻酬容色開暢  
人莫窺其際子孫所為有不當其意者不顯鐫斥微  
示以意僮役或盡歲無所譴罰性寬如此紹興元年  
天子合祀天地于明堂時裳知湖州烏程縣裳知秀

州海鹽縣丞上章聯封授公宣義郎致仕明年春裳  
諗於朝乞去位侍養詔除主管西京中嶽廟方是時  
某為吳興條其政蹟表留以自佐會後太守翰林汪  
公繼以請詔俾還職因取急與裳自海鹽迎公至縣  
治三月某甲子卒於烏程年數七十有二且死語家  
人曰先賢臨絕有六無神鬼驚忤者吾今政爾不亂  
與頽畢洎然而逝無遺令一語娶東平安氏郢州防  
禦推官冲之女贈孺人賢操實克媿德前卒子三人  
崇左承議郎裳左奉議郎鏜幼未仕孫男女十有二  
人歿後二十有六日與孺人合葬于吳郡天平山之

北初公里居專以教子孫後食其祿者十餘年以生  
受朝封二息並時官浙右兩州賓客豪傑若民吏皆  
德公之子爭贊善奉觴為壽病則交迎醫歿則致奠  
醊者相屬故時論推為哀榮焉崇裳學術文辭秀出  
流輩所交惟賢所涖號治執喪哀矜於送終無所不  
盡與余遊俱習乃見屬以銘銘曰性介而通德清而  
容嗜學幼躬不諱其窮有子俱逢祿釜有饒裡祀合  
宮名聞帝聰肇享爵封命服惟表眉壽令終祖考其  
從後初顯融且侯且公其栢其樅過者必恭

文林郎姜公墓誌銘

姜姓本出天水太公望封營丘後世為田和所滅子  
孫散徙而天水之姜曰肱曰維顯名史氏至恪公輔  
相唐高宗德宗益號冠姓居其裔也諱周臣字仁輔  
世居睦州建德莫知其始徙曾祖考及祖考延德考  
逸皆不仕君少孤母李夫人訓使學專精自厲已而  
文詞經術隱然稱諸儒中元豐八年進士第調温州  
永嘉江寧德化二縣尉部索夙盜囊橐過抵悉知之  
相戒毋得覘君境人賴以安遷衢州錄事參軍聽獄  
明審每甲乙參準以鈎取事情不強以楚掠文致其  
罪故獄無頗類竟案有可矜輒為奏讞所全省甚衆

任勢者裁<sup>材</sup>之辟監洪州豐城市易務滿歲會省官罷  
改明州象山縣丞逢受寶恩遷文林郎數行令事為  
政簡易人便安之未滿秩復會省官罷君姓溫良謙  
退居官不以武健干名所至稱長者隱約自守祿賜  
緣手匱竭不營歸貲彌鬻舊業幾盡識者清之暇日以  
所謂梵書者自娛進官淹晚聊不嬰意校吏考十一  
不能銖髮過差竟以州縣職沒其身悲夫配南郡張  
氏子六人男師孟嘗貢禮<sup>部</sup>師仲第進士將仕郎師  
季舉進士女長歸同郡陳夷簡次歸開封何至德一  
尚處孫男一人某令休寧與師仲為僚喜其齒少自

立於載籍博涉精記誦說數千百載事如目擊既又  
聞兩昆弟皆蘄然見頭角意其門戶且興亡幾何君  
來過師仲見君以德善自晦粥粥若不能言固知流  
澤有在也政和元年二月壬戌終于休寧子舍壽五  
十七諸孤奉喪歸卜十月己酉窆建德鄉平碧之原  
走書泣請曰先人行治微夫子銘且湮沒義不得辭  
銘曰有所激以昌其氣惟學之嗜故壯而仕無所麗  
以直其躬惟義之從故老而窮祚德自天巍巍三子  
慶充門閭君其不死

著作佐郎陶公墓誌銘

晉著作佐郎陶淵明之後十六世有孫曰直夫字次  
汲仍居潯陽仕宋亦佐著作大觀三年年四十七二  
月庚寅以疾卒官陶氏本鄱陽人吳平徙廬江之潯  
陽有名丹者為吳揚武將軍是生晉荊州刺史長安  
郡公侃於淵明為曾祖而公之曾祖鑑為左監門衛  
大將軍祖稷大理寺丞父舜咨第進士終宣德郎公  
嗣舉進士中第調建昌軍司戶叅軍官有殊政會詔  
諉諸道察良吏江西使者以公應令遷雄州防禦推  
官知亳州錄事叅軍改教授懷州談經受業切磋懇  
至自遠著錄者甚衆遭外艱去職學徒恨不得卒所

聞泣餞者踵相逮也服除又教授徐州時三舍賓興  
法始頒方郡衆未曉習公能推廣德意區別科指行  
之不少謫傍郡取則焉明年集貢士試京師徐土人  
士卒占異等遷太學正改宣德郎提舉梓州路學事  
召對詢勞移晷先是蜀部學廩不繼公至則披圖考  
籍錄乾沒更一人寘之理寵利源以豐歲入室姦隙  
以裁日用養士之費始羨遷監察御史入秘書省為  
著作佐郎逢受寶恩轉奉議郎公生質秀穎不凡綜  
練經學廣窺衆善專精或積歲不踰閫元豐中補太  
學弟子負年少耳然志尚風旨魁然出老先生右一

時賢雋皆慕與之交七年秋充貢賦居第一海內誦  
其文辭及為吏砥節首公教身自約惴惴惟恐過差  
氣貌嚴正雖燕不墮處交朋間無擇言之闕居喪舉  
動遵禮紀而毀慼獨過制事寡嫂甚於兄之存字其  
孤不啻己子有文數百篇初宣德府君不喜吏職浮  
沉筦庫數年亟謝事歸家巷故公亦濡迹埋光不及  
擢序而族昆節夫以儒學將略致佐侍從屢殿大邦  
終龍圖閣學士正奉大夫胄閥益顯矣公娶張氏亦  
同志趣後公二年卒男曰忻女一人皆幼能舉公及  
公妻之喪以政和元年二月壬寅合葬於江州德化  
縣先生鄉之原且求予銘以識葬者尚書司封員外  
郎悅龍圖閣公子也銘曰潯陽之城柴桑之里靖節  
之家有賢孫子不慕榮利閑靜少言官止著作以屈  
為伸其尚類也視此刻文

江陰胡君墓誌銘

君諱哲字明叔常州江陰人少為諸生力學問嘗試  
于鄉又嘗試廣文館不售即謝去隱居啟山之陰泛  
觀典籍以求志二親春秋高念所以娛其意者乃築  
圃結亭藝木芍藥千本服荆蘭衣日侍杖屨容與其  
間州里稱其孝後益喜交賢士賓至如歸修具甚設

資業為替弗計也性勁正而曠達聞人不善必面折  
之緩急叩門者不以有無為解一時巨公名德多從  
之周旋因得其筆牘藏之甚富常語人曰吾窮于世  
老矣然于古人知慕醉吟先生于今人獲從東坡公  
樂飲于西湖之上竊自幸也晚節刻意宗乘聞道于  
大通禪師得死生之理宣和七年十月庚子寢疾草  
誦般若心經數過留四句偈有形遷性不動之語洎  
然而逝享年七十大父忻父惟恭不仕男二人端彥  
端文君夙以翰墨畦經親指教故其文皆曄然可觀  
端彥再貢禮部人謂以經術文詞策名致顯位不在  
其身而在其子均也一女未嫁孫男四人千里千能  
餘未名君以十二月某甲子葬於縣之昭聞鄉祈仙  
里之原而見屬以銘銘曰奔名而夸毗瘠義而豐貲  
虛生而懵道心之微欵與世其長辭以君之清搵達  
識而視之吁其可悲

江陰趙君墓誌銘

常州江陰趙君諱越字彥中資夷澹而趣高明少喜  
視書上論千載人以筆端涇渭之補大學弟子員卒  
學師友交譽不幸踵丁三母憂積十餘年不獲于試  
無階自奮崇寧中朝廷大興三舍法羅天下英俊君

春秋高矣猶率子弟鼓箠趨鄉校在勢者欲以八行  
薦之君以宿儒尚多辭焉已而子弟相繼貢辟靡省  
識者知其訓飭自君出也家世饒貲曾大父某不仕  
父某與其弟秉義郎汝弼同籍五十年身任勤劇而  
縱其弟結交當世名公偉人雖睦聞東南故君生而  
漸濡孝友之訓洎專家政於生業厚薄贏耗一不以  
嬰意亦不取以自封靡至人以緩急叩門未嘗有已  
怨族女若甥貧無齋送皆為具奩橐擇夫嫁之同產  
妹既嫁貧不能以自存則并其夫與子養於家百須  
皆滿其意雖久弗厭也宗黨稱貸五十萬輒折券不

復索君以財發其義大率類此故生業寢薄而鄉閭  
稱長者初娶張氏朝散郎通判信州贈光祿大夫諱  
磐之女十有七歸婦德如老成人閨內無退言繼室  
郭氏朝奉大夫諱附之女賢有操行今宜其家初光  
祿公見君文奇之妻以長女及觀文殿學士東平呂  
公帥餘杭君以文贄一見器許復以甥今郭氏歸焉  
禮部侍郎張公滌光祿仲子也與君少俱學且嘗娶  
君之妹以其所著易說十卷上釋經局莆田蔡公讀  
而奇之以某年某月某甲子卒于家壽五十六有詩  
文數百篇以自名其窮頓挫踔厲可喜男廷幹以某



年某月某甲子遷張氏之窆合葬君于縣由里山之  
原四女長適奉義郎江陵府江陵縣丞馬毅次適迪  
功郎章之邵次適從政郎廣德軍曹祿程元弼一尚  
幼孫二人曰祐曰祐廷幹躬孝踐行每以君不朽計  
為孜孜故君葬既久而幽刻不輕屬人以某與君皆  
光祿公婿相習乃謁銘焉銘曰為善而貽令名不必  
祿爵始榮其親也種德而壽餘慶不必顯貴在其身  
也以財市義家雖瘠而德不貧也夷考行事而昭之  
其與古賢者隣也

中奉大夫葛公墓誌銘

昔漢文帝延見近臣必求天下長者而裁諸位其近  
臣進對間亦問曰某何如人某何如人上曰長者皆  
一時隆貴人也以故風俗醇厚中外又安號稱大治  
後世銳于功利右材左德篤厚君子不以武健媮快  
稱者往往不究于用如公者多矣可勝恨哉公諱師  
望字興周江陰軍人少孤貧自力學問舉進士兩荐  
開封紹聖元年中第調亳州衛真縣主簿遷平定令  
知廣德吳二縣監在京南炭場通判筠汀揚曹四州  
主管南京敦宗院提舉鴻慶宮太平觀仕四十年以  
長者著名字官自宣德郎十遷為中奉大夫孫傑察

訪淮南挾御香至衛真朝謁太清宮詢老君殿立侍  
二像為誰或對以唐明皇文宗公曰開元中明皇幸  
亳太子亭扈行今像乃明皇肅宗非文宗也傑以其  
多識噐之治平定有風迹任刺舉者交荐諸朝遂改  
秩在廣德尉得盜希賞文致其罪抵死公察其寃從  
未減蒙活者數人邑子以輿梁壞請輸財于官治新  
之梁成而羨數百緡郡守檄取以佐公帑公謝不與  
悉還之民無幾何州縣在事類以背墨被訴部使者  
臨按之獨公在政廉白乃歎曰廣德清操豈不能律  
汙吏哉高安民喜囂訟公能陪輔其長使郡中清訂

州元夕張燈郡學生數人與寺僧競因敗其燈累百  
計二十石怒且笞辱之公從容開說謂人固有跡弛  
而工文業者奈何以一眚廢衆士守不聽一日攝事  
悉延出之後拔第顯擢者踵相躡時賊擾東南人士  
北渡維揚者日數十艘州牧貴人不敢干以私則惟  
公之求公為奔走勞來供其百須一不闕賓至如歸  
而交德焉在興仁遇宦者出括民田勢焰薰灼凡不  
曲意阿附者必罹中傷坐是賜罷而晏然未嘗閔懷  
也公性沉靜而夷曠燕居如齋雖盛暑對家人必整  
冠履至為吏一以矜慈麗大罪者必求生麗小罪者

每從恕雖自隱其德而所至民親愛之去則遮道而  
戀慕夙知禍福皆前定故自安分義不肯行險以倖  
遇合官桐川日嘗夢謁靈濟廟神告以冥數曰後日  
官至中奉時始通朝籍卒如其言初公令平定時丞  
相唐公恪董漕事行部至邑見廷無逋事民無退言  
語人曰使吾部令皆若是復何憂乎自是深知公後  
佐丞相徐公處仁于淮南事有異見輒抗顏爭辯徐  
公不以為忤更賢之靖康中二公相繼登鼎軸推轂  
故吏屬甚衆而公未嘗曳裾奏記于其門免絕課當  
進官一等逢赦當賜三品服皆匿不自言曾祖惟安

祖中敏不仕父錫累贈太中大夫母李氏贈碩人妻  
先令人閭邱氏今令人衛氏男曰禔右迪功郎汝州  
永平丞曰祺右從事郎常州晉封尉女長適進士趙  
格次適左正言陸震次適駕部員外郎洪興祖孫男  
三人昭登仕郎二未名孫女二人紹興二年公感疾  
不知人閱數刻復蘇書韻語二十八字有一生方便  
過人之語且為先令以授諸子五月甲子日終神明  
不亂于死生之變春秋八十明年八月丙申葬鳳戈  
鄉丁陸葬之原諸孤以某謂公為兄實熟其行治來  
請為銘乃泣而銘之曰葛氏江陰世為聞家肫肫中

奉嗣德振華以學策名葆和安雅稽其治行終始長者弗競弗夸城府坦夷至德感神神實相之告之冥符桐川之廟爵第四品卒如所告位止州佐所畀者年天昨吉履簪紱綿延鳳戈之藏卜云其吉銘以昭之茲謂不沒

葛君墓誌銘

紹興元年冬十月某解秩吳興郡居景山族子開真自江陰來拜且泣曰先人不幸以七月丙辰終方病殆時恐死言葬必于青陽亡母之兆銘以屬叔父開真不孝既以其月辛酉葬矣銘敢以治命請予亦泣

曰小子忍銘吾兄邪明年二月書來速銘則為論次而銘之江陰葛氏其先避亂自廣陵徙居簪紱相承百餘年世有名德其晦迹不仕者亦皆恂恂謹飭以操行自將君諱權字執中江陰葛氏子也曾大父惟明大父定父淳俱不仕大父贈官至朝散大夫君少涉學嘗事科選已而謝去專營資業以奉親養生送終無悖禮姻族緩急輒調貸之空無者每折其券生而篤厚老而康彊且死神爽不亂春秋七十有二娶康氏子二人曰開真去病女四人皆有從孫男女二人初大父女兄歸樞密直學士蔡公君謨君珍其筆

迹儲之甚富復能記其詩文行事故一時賢士喜從之游嘗見語曰吾欲築第面惠山以居而陰陽家之說拘數年吾老矣不能待也因趣鳩工時方域休咎一不問卒成華屋遂燕處之適談者多其曠達云銘曰天賦之德復與之齡體魄措此惟以永寧

張太安人王氏墓誌銘

贈通直郎晉陵張公諱某之室太安人太原王氏其先自幽州徙家山陽祖某千牛衛將軍父某左班殿直太安人端靖而敏悟略涉傳記言動不妄十有七而歸七十有九而老八十有九而終少壯為賢婦晚

為壽母其宜張氏凡七十有二年維張氏在東南推衣冠顯姓仕有並時至九卿者號東西卿家太安人始歸克婉其夫之德事姑欽愛兼至凡尊孀行若姻戚媪御咸慶其姑得孝婦泪專家政幹理有條序非於自奉而所識窮乏悉振之晚增築室廬若知其後且大者篤老精悍無疾日紬佛書求死生之理比易筭無一語亂教家人掖坐而絕寔宣和七年七月乙未也子七人宰為奉議郎陝州司錄寅再貢禮部宏舉進士有名宦從事郎信州刑曹事宇宣教郎守奉議郎監察御史寔數占成均異等女三人適進士潘

民用曹謨蔣軺孫男十有五人美成康成德成信成  
師成友成士成餘未名孫女三人初太安人子衆而  
貧窶無貲未嘗以嬰慮盡使努力為諸生以舊所憶  
衆書手抄教督夜分猶課厲衆子嚴憚若師既久居  
益貧或勸其變業征利者第笑不應無幾何子皆明  
習經學軒然著名字監察公繇州里首送擢第又舉  
詞學兼茂科中之大觀初三子復同榜以上舍入仕  
州將表其閭曰椿桂太安人御安輿從子之官轍環  
數郡夫婦華髮同享擊鮮柔滑之奉逆送者道相屬  
也以子恩封儒人又進今封最後見其子自御史府

章求郡以養於是有識雜然譽歎以謂微此子不能  
寵其母凡州閭稱德善之報及母子之德以為可願  
必指太安人之家云太安人卜葬得歿之年十二月  
庚申其兆在武進縣南鄉千墩村而見屬以銘某謂  
諺有之學家多士大夫為學之利太安人所不及見  
者益未慙也因論次其行事而繫以銘曰其屯弗戚  
其求弗棘其勤弗易其報弗忒其享弗瘠其銘弗泐

樊宜人蔡氏墓誌銘

紹興五年春右朝散大夫主管台州崇道觀樊滋德  
淵訪予於吳興曰吾妻宜人蔡氏不幸以去年七月

終願得子銘以識葬且曰宜人曾大父諱仲謀官至  
太中大夫生左朝奉大夫元康元康生沅州軍士判  
官邢直宜人其季女也唯樊蔡氏並為衢州西安之  
望族夙通婚姻宜人始垂髫柔明秀警吾父金紫公  
吾母文安郡夫人愛之求為吾婦凡與之齊者若干  
年尊嫜曰是善事我娣姒曰是善輯我媪御依其仁  
族黨稱其睦而吾以為有閨壺之助也始吾既葬二  
尊於塔山卒喪躊躇不忍去而從仕宜人啟曰薦香  
火而護樵牧宜有佛廟衆財不可私取以為悅盍以  
已力營之因斥賣其裝不留一簪而築室一區延僧

主之後劇賊起新安姦人所在嘯聚衣冠墟墓類遭  
發而吾二瑩獨無恙吾嘗里居謀所以綢宗族之窶  
貧者吾妻曰所盼么麼彼且緣手而盡曷若營不匱  
之利於是裂慶牆鄉之別業為義產且以戚疎定多  
少之差歲給之而人賴以炊者衆焉吾鄉涉步數郡  
往來之湊故有浮桁衰數十丈會為水敗行者病涉  
吾妻不資於衆垂索而新之宣城饑米斗錢二千吾  
適佐郡吾妻勸吾盡出田祿振之日為饘粥食餓者  
南陵饑甚則市他米諉邑令增給自是大姓爭發廩  
而蒙活者不勝計宜人勇于仁類如此奉釋氏至虔

卒之前六十日夢人告以絕羶葷後當坐去及易簀神  
爽不亂名子若婦訓勅諄諄俄結印坐逝壽五十有  
五累封宜人男三人國輝右廸功郎江州錄事參軍  
國均國寶皆進士女適右承直郎監潭州南嶽廟葛  
立方孫男女合十二人以紹興某年某月甲子葬某  
鄉之原立方予冢息也因稔知宜人之賢行且崇道  
君仕以才奮歷職中外勞烈有聞而居鄉見謂修潔  
必有相之者又其言信而可復乃序而銘之金紫公  
諱某仕至某官金紫光祿大夫其贈也文字<sub>安</sub>郡夫人  
姓某氏銘曰變彼淑哲來嬪聞家令德是茂靖專柔  
嘉以財易仁懦者驚嗟帝錫顯號每恩輒加錦韜象  
軸書贊之華胡德之豐而壽不遐將燾厥後陰施豈  
差我銘幽宮惟信匪誇

徐太令人葛氏墓誌銘

太令人常州江陰葛氏贈吏部尚書諱某之孫承議  
郎贈太中大夫諱某之女葛氏族大且顯凡女子許  
氏必求天下名士令人年既笄辯慧婉嫻太中與其  
兄工部尚書某皆愛奇之為訪佳對而金陵徐君安  
道受經舒王以才識為高第中治平某年進士甲科  
隱然有雋傑之稱遂以歸之其後入御史府為監察



入中臺為郎奉使諸道風節端亮名譽尊顯卒官中  
大夫京西轉運副使令人闡助為多中大求所生戴  
氏十年始得既歸性高嚴令人奉養如嫡刺測微旨  
無銖髮忤戾撫似婦之孤踰己子單復之服製必先  
之逮其長為謀家室垂橐不吝歲時享徐氏祖考不  
以饌羞委僮待遇父母尊親之黨恩意均一從夫若  
子宦四方中外宗姻靡日不嬰念服衰至小功總聞  
訃皆摧慟以喪禮自律逢諱日蔬食閱經以資其福  
盡齒不懈太中所嗜蘋粟之屬輒不忍食宦遊舊境  
復經歷未嘗不涕泗也性淑靈而篤孝尤加人以夫

恩封永昌縣君以子恩封普寧縣太君再封太令人  
政和七年八月壬申終於京師壽七十有三崇信釋  
氏日課其書日奉其齋戒屬纊不亂呼子與婦執其  
手曰吾訣矣泊然而瞑子六人男永朝請郎行太常  
寺主簿奕通仕郎知衛州新鄉縣前卒女長適承事  
郎知常州江陰縣李孝遠次早卒次適通直郎武學  
博士朱天錫次適宣教郎知平江府常州縣陸宗孫  
男二人女一人永以學行知名荐踐師儒之選自中  
大即世令人食其祿者十九年晚節寢病繇劇視絮  
縻藥至夜不解帶人士稱之卜葬得令人卒之年某

月甲子祔中大之封在江寧府上元縣莫府山以某  
于令人為兄子且先君通奉與之相友爱見屬以銘  
因泣銘曰性篤孝士所難乾其身行之安媿其良訓  
厥嗣詔三封壽六紀源有衍報必豐在後人不于躬  
莫府原龜墨食千萬年安且吉

妻碩人張氏墓誌銘

宣和四年五月乙丑碩人張氏歿於汝州公府時某  
領郡以妻亡諗於朝求移守吳興詔許之六月護喪  
歸常州留二息奉匱而趨治既卜葬得地於江陰縣  
由里山之原復諗於朝取急以視窆詔又許之遂以

五年四月己酉襄事叙其行事而泣銘之曰碩人世  
籍常州宜興諱濩字靖姜朝散郎贈通議大夫諱磐  
太碩人姚氏之女宜昌<sup>興</sup>之張世以儒學顯而姚氏在  
金壇為舊門碩人於女憲婦順耳目濡染不習以能  
元祐中通議公為漣水軍我先人開府儀同三司府  
君佐之同寮且同郡復聞其女賢為某授室既歸不  
逮事皇姑溫國夫人事先人盡孝衣服食飲親在事  
寒煖早晏之節愈久滋益恭於財痛自節縮而儲積  
其餘以共公上銖髮不自蓄初叔季二媚未行先人  
念擇對之不易碩人請以女妹歸以兄二姓交信之

遂與禮部侍郎今知徐州張公合好後三年季妹許  
嫁今丞相王公時碩人從予官大學先人敕使歸董  
鞞結縫紉之事既訖嘉禮先人喜津津謂某曰尚平  
之累已畢若釋重負而婦助我居多歲中迎養後如  
京師會先人棄諸孤碩人送終厥飾盡禮持喪踴躅  
如制於時二兄俱未卜繼室幼稚滿前無衣家徒四  
壁立碩人哀撮纖細均已子保視以濟于艱難其後  
某比預廷選二兄俱宦輦轂下闔門數百指共室同  
爨而姻戚並時顯仕歲時燕集軒騎填里門碩人處  
介婦而調娛承順曲致恩意中外無怨誓一辭祀葛

氏之祖考饌非手調芼弗進也喜浮屠學日誦其語  
食不擊鮮奉觀世音尤力課所謂大悲呪數以萬億  
計嘗得寒疾瀕死觀世音現白衣瓔珞像升卧榻以  
楊枝荆芥袂其體尋汗浹頓愈人士紀以詩文者甚  
衆在臨汝力疾朝中獄既還一夕神識去體家人環  
泣諸子若妾媵各剔股燬臂灼頂以禱觀世音像復  
現光相滿室黎明驟蘇安全四十一日始不幸轉識  
不亂談者謂累善之報云初封同安縣君進封宜人  
恭人後遇恩及擬封兩封碩人前後訓詞皆稱其賢  
操春秋四十有九男立方從事郎國子監書庫官立

中興功郎河北鹽香勾當公事立器國子生前卒立  
卓尚幼女長適文林郎越州州學教授許暘前卒次  
適承務郎登聞鼓院劉封一未嫁孫三人碩人祥順  
祇修善區處事於書通大致持身玉霜始予未第閨  
房百須一不相關既仕數以艱直賈禍流離落漠而  
碩人能以義命相譬曉嗚呼繼自今無相我者矣悲  
夫銘曰委禽兮結褵嬪予三十年兮家室之宜我辜  
于天兮奪其所與齊年不配德兮夢人授之以著生  
於建平而歿於臨汝兮藏於大江之湄幽窆之詩不  
以諉人兮聊寫情而含悲

丹陽集卷十五

宋葛勝仲撰

行狀

朝奉郎累贈少師特謚清孝葛公行狀

公諱書思字進叔姓葛氏其先嬴姓夏后封國于葛  
後因氏焉世籍廣陵唐天祐中有諱濤者避孫楊連  
兵之旣徙江陰家之其子虧太宗時以高年有德賜  
爵公士于公為高祖公士生祥高蹈不仕娶焦氏是  
生惟甫累贈開府儀同三司吏部尚書尚書娶吳氏  
封陳留郡大君生公之考曰密進士擢第卒官承議

郎累贈通議大夫公之母胡氏後母陳氏封安定潁陽二縣君以公升朝恩加贈建德懷仁二縣太君累贈碩人公幼聰警不勤外傳八歲賦詩出語已驚人既長刻意學問淹通六經尤深于易春秋他傳志無不周覽彊記世父兵部尚書以學行為世儒所宗嘗讀其文語通議曰是子名第不足言後日且以文義顯已而莆陽蔡公襄丹陽邵公亢交口譽歎之頭角嶄然羣進士中矣三薦開封嘉祐八年王文公較試讀其所為孔子事道論大加激賞因擢寘異等次舉為陳公襄蔣公之奇所知于數千人中以第三人薦

之學者誦其文辭以為軌式熙寧中初以經義取士公中六年進士第調睦州建德縣主簿方是時通議公以清節高尚退老于家抱道履德貶詘世味不迹城郭公夙以祿釜為急至是益堅請迎養之官而通議難之公勸請懇切屢獻詩什叙白華之意而通議憚行終弗許公意不自得謂曾子一日不肯離親豈能以五斗移素志公之知己方位要近所親與公厚者咸勸以仕進且謂就養左右孰若榮名顯親孝之大也通議亦素以此意譬曉公而志不可奪遂投劾侍養自爾居親側積十餘年不治田園不事游覽專

以共養為職凡通議公飲食寒煖之節衣服單複之  
宜藥劑增減之度皆未嘗以屬僮侍也疾雷甚雨中  
夜必興問起居平時家庭逆探其心志所向不敢少  
戾既絕祿廩兒妾濱于饑寒晏然不卹大臣有嘉公  
志行者表為泗州州學教授亦弗就也其後親年大  
耄法許擇官自便且免赴部又通議公命使從官確  
許偕行始乞監湖州新市鎮於是通議公滋倦于出  
游矣特憐公孝誠懇到勉為裝行公得由前志色養  
夷憚油然而不知關征之卑而鎮戍之陋也當是時衣  
冠推為父子之美處期年通議捐館公行服過禮柴

毀加人雖身疾不御肴酒雖妻病不歷房閫雖盛暑  
不釋苴菘終制不變每號呼撫臆哀動行路既久如  
始喪者日誦大藏經以追冥福時公年稍高在禮當  
不致毀又以寢苦病臂然終不肯解菜遠近皆服其  
篤行以為難能服竟不忍去家墓人或勸之仕公不  
應又累年同升進士方穀為江陰令貽書勉之始出  
調開封府封邱縣主簿數行令事政有恩惠縣人德  
之移知州防禦推官知楚州連水縣丞縣居淮海上  
游方置壘額號難治公能以政術佐其令縣以大治  
在勢者才之數諉公攝劇邑及平決旁郡滯訟皆以

濟辦審克稱瀕海產鹽歲輸他路不貲時任漕計者  
欲穿支家渠以紓鹽艘沂淮之險及舟卒並緣為姦  
之患會同列首鼠持兩端因檄公經畫之公為巡視  
地勢荒度土功具言經久之利且條上其所以然主  
議者倚公為重渠成公私便之歲潦視田能忤上官  
指悉蠲民租人以為賜也公恬于仕進不求薦達然  
一時牧守監司皆以公行純孝素著繇盡子職而致  
沉滯故人爭欲出己門而薦牘交上秩滿廷見改  
宣德郎求閑局還里中遂監常州酒大吏為有私而  
屬公飭正法者能力拒之雖逢怒弗顧也遷奉議郎

徽廟即祚恩遷承議郎賜緋衣銀魚加武騎尉知婺  
州永康縣不赴就差監秀州鹽稅務課羨當進秩恥  
不自言序遷朝奉郎被命即歎曰吾在事之日淺然  
官得加其親賞得延其子冒國恩厚矣尚何求即解  
印綬請老公為人莊重寡欲澹于榮利游京師足不  
跡貴人門故仕卒無所遇合連枉筦庫人為矜惻而  
公安恬無悶曰吾知營職而已雖小物必親所居以  
安遇名軒自號虛子言遇無定遇而安有常安也居  
官智慮淵邃小心周慎性矜慈惻怛或盡歲無所譴  
罰然至誠格物人不忍欺紹事以振舉所至稱長者

去輒懷之為吏無銖髮過差其見得尤廉計日受奉雖半菽不妄取公田歲入多推以予民市物如將傷之每倍給其值清苦自刻不殖貨利尤物玩好一無所惑遇人之急調之不計有無沒之日至橐無一金製衣以殮當世清之舉錯以誼理自律不敢差蹊于人無戚疏貴賤皆恂恂卑體下之燕居家庭無替墮之容與人尺牘雖薄遽字未嘗輒草也平生不妄語鄉人為不善者不畏法而畏公之知熙寧乙卯歲大饑斗米數千錢人相食公發已廩以食饑人賴以全活者甚衆公于外行無不至而孝友尤出于天資從

古人中求殆無以抗十一歲遭建德憂衰毀如成人已知不茹葷矣事後母至孝能得其歡心通議沒追慕白首不衰時物未祭不先食寒燠之變必在視家廟歲時蒸嘗如見其享平居兢兢以其嘗所告戒者自勉一言及之未嘗不涕泗也伯兄書元長一歲父事之恩意始卒無間言公官漣水時兄為舒州望江縣令同隸淮南部使者及六路發運諸公有捨兄而荐公者輒移書遜避乞改荐兄不許則封檄還之人或笑其迂而公力行之其後公改秩而兄舉者不應格公曰吾獲寸進心無媿矣鞠三母之弟如一拊循



視遇甚厚處叔季者自結髮教誘至于成人諸媚擇對引為己任卒皆得名士歸之多顯者孤甥婺妹盡力周撫課諸子于學而不付以家事文辭義訓皆自指教崇寧三年幼子勝仲官學省聞公得謝取告迎侍公不得已至京師暇日多賦詩自適喜為巨篇強韻識者服其老而精彊當時顏色滋澤步履輕健記問審諦無異壯者不幸冬十一月二十九日終于城南里第屬疾甚微神明不亂衆暨更視不問方藥顧告以死生常理瞑目無所係戀與諸子論說詩文雍容如常時親書先令戒以薄葬泊然而逝壽七十有

三公篤信釋氏奉其戒律晨興香火持誦不輟自壯訖老言行忠信不欺于心故轉識甚異蓋信力所薰也訃聞薦紳若州里知識皆痛悼之生平著文離十卷辭理精詣夸誕浮躁之語一不関筆號安遇集三子累遇大禮及三經擬封累贈公官至少師贈正奉大夫訓詞有曰廉靖樂道悃悃無華養志就閑久為親而辭祿引年謝事乃有子以克家贈光祿大夫訓詞有曰高行清修奧學通贍潔廉守義共推靖退之風愷悌宜民衆賴寬平之政贈特進訓詞有曰葆醇履坦譽問素休鍾德之祥嗣有賢子踵侍從橐為時

蓋臣宣和六年本州官及進士錢詵等具列行實申  
常州乞備申朝廷依張舉徐積例特加賜謚以勸為  
善知常州劉光以聞尋蒙賜謚清孝制曰君子篤于  
行已靡繫窮通之殊朝廷樂于旌賢固無存歿之間  
協稽羣議垂賁幽光故任朝奉郎賜緋魚袋致仕贈  
少保葛某奧學承家高節映世廉靖樂道人默化于  
鄉閭豈弟近民政自孚于郡邑顧惟天稟之異卓有  
古人之難辭榮祿以養親遠追曾氏之孝正弊衾而  
易篋何愧黔婁之清鍾其餘休克有賢子繼躋從列  
咸以儒稱邦典追榮已陟三孤之貴鄉閭紀實願垂

一惠之稱爰錫美名用褒潛德松楸改色載承雨露  
之濡綸紵歲家永作雲來之勸緬惟靈識亦克顧歆  
可特賜謚清孝贈少師訓詞有曰經行自著藹然君  
子之風政事甚明亦高循吏之舉不究于用以蓄厥  
休觀上訓褒稱如此則公之德可知矣娶侍其氏右  
正議大夫泳之女累贈秦國夫人溫良賢孝實克媿  
德先公十四年卒公以崇寧五年十一月己亥葬縣  
之青陽鄉郭莊之原子四人次仲試大司成兼修國  
史鄆王景王肅王府直講卹章贈正奉大夫累贈少  
保儀仲鄉貢進士和仲右中奉大夫勝仲左正議大

夫充顯謨閣待制孫男十人立隆右承議郎通判鎮  
江府立方右通直郎立悌左奉議郎宗正寺丞立中  
右迪功郎立教常州排岸立廉立象皆右丞事立經  
左朝奉郎直龍圖閣立柔右從事郎立民通仕郎曾  
孫邢舉進士郭郇皆登仕郎郟郇皆右承務郎郟登  
仕郎鄰右承務郎郟郟習進士郟將仕郎餘尚幼謹  
撰世次行實為一通上于太史謹狀

太中大夫大司成葛公行狀

宣和三年正月庚子大司成葛公寢疾革詔飭太醫  
診治越翌日燕紫宸殿上小語左右訪安否以不祿

聞上驚曰當是為庸醫所誤嗟悼久之特贈正奉大  
夫賻卹加常數敕本屬供葬費置官濟辦員外置州  
通判一員董之上其子若干人惟葛氏世序自晉稚  
川為散騎常侍居丹陽至公之六世祖自廣陵徙貫  
江陰故今為常州江陰人公諱次仲字亞卿曾大父  
惟甫贈吏部尚書大父密中慶歷進士第以承議郎  
得謝贈官至通議大夫父書思中熙寧進士第以朝  
奉郎得謝贈官今至開府儀同三司公父子以清德  
純孝顯名雖仕不遇合遺澤餘慶實燾厥後公與季  
弟舉進士聯中調泰州海陵縣尉移常州宜興縣丞

未行除吉州州學教授遭父喪服除為國信條例所  
檢閱官進北道刊誤志會當改秩併遷奉議郎逢受  
寶恩進北使泛例遷承議朝奉郎除太府寺丞遷朝  
散郎提舉京西南路常平召見談治道纚纚可聽上  
品之謂曰使事不足以屬卿行召用矣至部未閱月  
果拜度支員外郎踰年遷戶部幸逢省恩遷朝請郎  
公佐邦計徧歷左右曹周知經用出入盈縮之數及  
常平開闔歛散之本蠹弊根冗悉窒之預修續免役  
書百餘卷除辟廡司業是時朝廷尊榮中外無事上  
方鄉儒術而諸皇子齒寢長英敏絕異之姿聞天下

既以次行冠禮出就外傳妙簡僚窠以調護之首以  
公兼嘉王侍講授經資善堂未幾建安文安二郡王  
出閣又兼講官轉朝奉大夫遷宗正少卿賜紫衣金  
魚進宗蕃慶系錄仙源積慶圖及預修玉牒轉散朝  
請二大夫其後安康濟陽廣平三王及鎮國公出閣  
皆以公為講官于是並領七府訓授矣政和八年春  
嘉王與天下貢士羣試集英文詞學識翹然出寒俊  
右唱名第一公入謝臚傳趣使前諭以教導有勞宜  
褒賞俄被批旨特轉行一官遂為朝議大夫上愈益  
欲諸王篤學問詔講官毋得兼他職除公直龍圖閣

提點東太一宮專講事已而朝論謂不可妨公塗轍  
歲中除中書舍人遷給事中直講如初先是有旨下  
中書後來皇子就學更不除他吏止以公兼領公意  
殊不敢當會嘉王進封鄆建安文安開國景肅相繼  
出居蕃衍宅因抗疏自列曰陛下過私小臣使待罪  
勸講今三王既即外第而安康諸王尚宅中禁非惟  
臣學淺薄困于好問且相距遠窮日之力不能周願  
專直蕃衍講席其他分命賢俊且使臣逃尸祿之譏  
不勝大願士不能已從之轉中奉大夫同修國史陞  
翊善進哲宗寶訓遷中大夫加食邑三百戶爵丹陽

縣男除大司成致仕遷太中大夫公侍王府閱七年  
說經無慮數十萬言凡典籍所載嘉言善行日陳數  
千條摺撫殆盡至古人忠孝大節輒反覆言之問誦  
說詩文政事以資聞見之益諸王每質疑問事撰述  
輒就商榷求跋法書名畫甚衆府第章表並時亟索  
操筆立就各極其工宮中傳誦之公每進對上未嘗  
不稱贊諭之善與輔臣語亦謂公靖共持重得學官  
體一日在前上從容曰鄆王學甚進作大字尤佳乞  
就外第劄子迺親製可取視之因譽公公頓首遜謝  
在王府三被錫服兩推昇其弟駕幸蕃衍資金帛甚

腴諸王各屢揮翰寵之嗚呼盛矣惟天祚神聖並生  
天材以侈神明之胄而公以孤臣蒙擢序居職累年  
出入禁闥徧游印第謹孚周慎不挂過差遂結聖知  
入侍帷幄可謂儒者之榮遇矣廬陵多士隸弟子籍  
常三千人公分教當興學之始以善誘著于人聽暨  
董宗子六學及貳壁水皆以德義師表人士每較試  
無不厭衆心外制特不試而用在瑣闥論事鯁亮凡  
出命未允若除授不諧衆望皆封還之數相大禮若  
夏祭冬祀明堂耕籍受寶皆預執事至考廷試貢士  
奏告諸陵率皆在選中公操尚剛方議論慷慨常以

輸忠報國為心處家庭篤孝友執二親之喪毀瘠踰  
制日誦藏經雍穆羣弟無間言自開府即世今十七  
年不異爨于經術汎濫疏達非疾病未嘗一日去書  
不觀晚節尤信內典日課般若洎屬纊神爽不亂訃  
聞士大夫下至閭巷莫不痛惜之而諸王尤極嘆悼  
各致賻送以將其意文章典雅清麗成一家言遺藁  
三十卷少喜為詩自晉宋以來騷人所賦靡不記誦  
嘗為集句詩三卷盛行于時年五十九薨母侍其氏  
溫國夫人妻先令人富春孫氏今令人范陽盧氏皆  
有賢操子六人立隆國子監書庫官立悌太常寺奉

禮郎立廉承務郎立象通仕郎立會承事郎立民通  
仕郎女一人適宣教郎提舉京東路鹽香馮晉孫男  
女各一人諸孤卜某年月日葬公江陰縣屠墓村之  
原敢乞銘以傳不朽謹狀

祭文

祭慕容尚書文

公素康彊畧無疾恙不期信宿遽以薨聞天子驚嗟  
曰喪良輔東塗咨歎曰殞嘉賓凡百搢紳相與悼惜  
矧聯親好盡傷如何惟公妙齡連擢科第致位侍從  
越十五年名節光明論議宏偉具載史牒且詔無窮

友悌孝慈古今所罕年不配德咎將誰歸財無偏藏  
家徒四壁藐孤孀婦一飽無期轎車啟行痛貫心膂  
聊陳沃醑言不能文

祭劉尚書文

魂兮歸來汨徂南土越五基墓些恠昏而愁約魄一日  
而九升些怵惕不寐精搏搏而渙漑些殞命海浦不  
生反於土門些魂兮歸來南荒已久留不可復止些  
下潦上霧炎海萬里些厭火之民猛火出其口些蛇  
山鱷水王虺騫些魂兮歸來無上天些一夫九首甘  
人而投之深淵些九昏闕杳深巫咸不可叫些魂兮歸

來無下此幽都些土伯九屈逐人駉駉些北鄴三府  
寒靈不可入些魂兮歸來入王畿些天恩洋普反禪  
栖些蕙宇葯房乃故居些閭童社叟來妥妥些魂兮  
歸來反家庭些仲氏叔氏歸黃英而主祭些繩繩三  
息徒跣泣血護全匱些家人稚儒昔餬口四方今合  
歸于家些魂兮歸來公既有此內美重之以脩能些  
畦留夷與揭車雜申椒些雖鬱邑而侘傺終令名之  
不磨些人生一世若大夢些禍福壽夭皆幽運之繫  
此篲中牖下均一死些魂兮歸來跂足以俟些后皇  
仁明揭天日些尺一屬下昭厚誣些丹筆之籍寬三  
互些行有雨露洗沉寃些魂兮歸來歆此嘉旨些菰  
梁鼎臠和致芳些楚酪吳酸恣所嘗些公之仲婦我  
中文些大恩不報負公於幽明些繫官湖海阻循題  
而哀號些攬淚承睫聊寓哀以文些

祭劉頌政文

昔長此邦公來逆我道義周旋三改槐火惟政與文  
猥見許可時平訟清舒嘯而坐五亭携觴四水泛舸  
去職七年家國俱禍及再臨郡我徃拜公公病卧閣  
華堂穹崇語及時事涕交胸衆製見抵文猶不窮  
盜起事掣閣于游從十日不見遽罹鞠凶嗚呼哀哉



惟公妙年詞藻英發文場掄魁經黌俊傑書板鍾張  
才儷管葛謂當青冥闊步高躡晚塗跋蹇意殊不屑  
薦更州麾連持使節布政合宮著書省闈在公為窮  
在人為達晚祚一子天其乘除有孫繩繩且大公閭  
惟我固陋日困羽書食不遑暇阻送輜車遙致奠醑  
泣血連如何以侑尊如玉生芻

祭王修撰文

三季以後士夫所養以顯為是趨營擾攘以功為得  
尊當勿罔喪已山崖得止銖兩竭竭我公介特骭髀  
志尚恬夷情塗坦蕩二十餘年州縣疲鞅聊不嬰意

以道自廣上官薦之始被識賞天府事叢擢佐其長  
游及有餘弊訟無枉召對在前帝方虛想曰汝有子  
天才英爽中詔內務是職是掌淵謀嘉謨予所寄仗  
能教之忠惟予汝獎卿大鴻臚汝諧汝往父子要津  
紳紱所仰萬鍾百年謂當安享遽茲不淑善人誰做  
訃音上聞帝為悵惘賻賵之厚詔發內帑右文密章  
有光泉壤孝子拜恩僕僕其頽寒族通姻行實稱文  
輜車遵路載瞻遺像一觴寄哀文諗親黨

平江祭外祖母墓文

某薄祐不天未弱冠失所恃歲朔流邁凱風寒泉之

感未嘗輒忘也舉栝椽而阻飲撫奩鏡以興悲况其所自出其敢忘哉仰惟二尊德善在躬慶單後裔是生仲舅為時名臣載誕淑女未嬪禰廟雖音容已邈而彤響如存某伏念生不及膺宅相之褒歿未能効立傳之報遠詣幽宮式瞻松楸因陳薄醊仰覲迪嘗祭外舅張朝散文

元豐季年公墨諫紙攄忠論事慷慨竒偉可罷可行曰此曰彼逆鱗敢嬰懦者興起流離十霜以困自喜紹聖簡求擢官大理通臣賜言秩中御史帝曰汝俞召升軒陛開陳纒纒朝綱國是帝用嘉之言傾其耳

謂當施行徑躋華仕如何南箕寢成哆侈佐郡饒陽進尺退咫天不慙遺乃終于此惟公少時趣尚洵美浮念雜好如棄塵滓沉涵羣經該總百氏陰陽星歷醫卜方伎一物不知為身之耻蓄藏既多奮發無幾間關沒身命也天只昔我弱齡從親連水公實竒之有譽無訛謂器萬乘謂駒千里恩勤綢繆乃妻以子出入門牆且踰一紀不我鄙愚數載撫視孰謂半塗遽失憑恃公介之婦又寔女弟贄幣未行已隔生死丹旌有翻言旋歸止遣辭竒哀泣濡輔几尚想平生歆此嘉音

再祭外舅文

嗚呼我公才非命值襟量宏遠如此而所享止于中  
壽器業浩薄如此而所蒞止于半刺位稍進矣而成  
困于左遷上欲用矣而中輟于浮議蓋事之不如意  
者常十之七八而學之稍得施者無百之三四豈志  
大者終落落以難合而才高者亦峴峴而多忌不然  
何為進方寸而退已尺前既跋而后亦蹇也耶雖然  
萬有俱空百年如寄善取名者必圖不腐之傳而徼  
福者必計不貲之利公之名節方光于時論而子之  
仕進且都于顯位以彼此而乘除建短長之不異然  
而感今悼往不能不嗚嗚以長號者徒以扳聯于親  
懿而已也嗚呼昔合好于二姓逮濡留于三歲荷愛  
育之綢繆服胃懷之樂易悼從祿之崎嶇遽具嗟于  
殄瘁携挈奠觴涕盈兩背仰惟平生庶其歆醉

祭張侍郎文

獲從公游四十餘年始研席之博約繼親好之聯綿  
仕自初筮而至禁從歲自稚節而至華顛其間所更  
之世故蓋未易以言宣進退榮悴之變夷險利害之  
端有離有合有悲有歡而終始之不渝者荷恩意之  
拳拳去年春公罷廣魯我罷浙川相逢於濰水之上

俱正棹而言旋約歸東阡與北陌欵携杖履於林泉  
豈期公遽卧於腹疾嬰二豎而突纏嗚呼哀哉惟公  
挺學識之精博企道德之高堅徧躋華貫為世名賢  
雖不究於大用而忠言峻節蓋貽萬世之傳我已具  
載於幽刻茲固得以略言嗚呼哀哉公妹歸我已痛  
隔於黃泉我妹妻公迺遽奪其所天平生華屋孤幼  
滿前悼幻境之變化於余心獨何能無慨然迫遠日  
之告吉將就窆於新阡撫棺奠訣感涕流漣

祭亡兄司成文

我辜於天天不我喪罰其元昆闔門百口有如水木

拔本塞源來諗遷陟書墨尚濕訃音在門變慶為弔  
心摧肝裂哀號叫閭憶赴臨汝兄出郊寺數載撫循  
寧知三日從容宴笑永隔九原人琴俱亡風流頓盡  
茲尚忍言先公盛德理宜有後烜赫衍繁兄實濟美  
修仁行義所聞必尊靖共厥位不肯嚙啗沓封黨懷讓  
帝用嘉之擢紬史謀瑣闥詞垣詵詵天才付以調護  
聽其講論文陛進對三接獎詞玉色康溫謂當大用  
而躡中道孰究本元河通道達今啟藁殯歸駕輻軒  
追惟宦學我鞠我誨友爱特敦坐繫微祿小殮弗與  
初喪弗奔負譽至重遣辭寄哀聊有一樽

祭外姑壽安君文

嗚呼夫人維三息女伯歸而亡季夭於處仲居幽閨  
弔影踽踽夫人慈之特慎所與惟時長連猥見比數  
不媒不龜乃以嫁許自初親迎寓跡門廡濡留不歸  
再涉寒暑靡愛不加靡誠不吐董然恩私指不可僂  
携提弱孫逮其絕乳衣食京師不我告窶浚橋之居  
益見拊偃自爾携挈適吳徂魯孰云契闊乃隔今古  
有酒盈觴尚其能舉

祭亡嫂榮國太夫人盧氏文

范陽之盧珪組舄奕夫人妙齡為兄繼室兄仕未顯

家徒四壁幼穉滿前食衣糜給人以為憂乃獨弗戚  
撫循顧復鳴鳩均一爰逮中年兄仕顯榮紫微書命  
朱印授經嶷嶷衆子簪笏滿門入覲禁闈冠綉寵旌  
人以為泰乃獨弗矜勩相夫子輯和宗姻爰暨於老  
益蕃戩穀疏封劇郡繼荒大國男女嫁娶母道既畢  
文祿弄孫齋薰是力人謂當壽乃遽號復中外驚悼  
人百何贖其等每見嫂氏如兄之存今其薨逝茹痛  
黯魂且卜靈日祔兄九原轉車遠臨啟山之園聊陳  
薄綴尚其來歆

祭施氏妹恭人文

於穆令妹女憲晞兮蘭芬玉潔秀聞闈兮世父偏念  
遶所歸兮爰得仰傑賢足依兮幾三十年鳳凰飛兮  
亦既宦達家益肥兮雍睦姻戚譽莫譏兮屢封于朝  
象服輝兮子皆簪笏環頤頤兮身榮可願世亦希兮  
謂當益貴峻等威兮云何不弔殞病痲兮去年罷郡  
賦式微兮方諧燕笑事已非兮寔于新阡旒旒緋兮  
涕泣祖饋願交揮兮

丹陽集卷十六

宋葛勝仲撰

四言詩

嘲茶山

吳興紫笋實產顧渚唐昔底貢闕山芽吐隼嶼出臨  
虎巖親駐鄰邦刺史金匏相遇木瓜堂前穿雲浥露  
烹蒸包發及春未暮天子稱珍分甘當路今則不然  
名毀勢去金沙弗湘玉食弗御敷榮窮山牢落誰顧  
如女失寵空閨自嫖請以千金買長門賦

茶山解嘲

衆萬之生於世甦寓一債一興孰知其故退黜奚戚  
進升奚慕豈以通塞顧改常度有如我翁昔嘗掀翦  
戴纜垂纓去天尺五今屏山城亦皆時數左右佩劍  
疇可笑侮翁其退省前言大悞用與不用智力何預  
幸同此邦邂逅承晤結為金蘭安此貧素

五言古詩

閱訟訴忽疲起臥少頃復視事

平明坐早衙投鉅來相踵訟牘鼠雀暗吏行鳧鷖擁  
外臺竦風稜檄至亟須捧以身為形役劾去顧未勇  
病骨瘦藥藥衰髮希種種

送鄧寧民罷瑕丘簿

火雲燒晴空大暑金石流行人口生煙千里無停輶  
胡為趣遵路僚好挽莫留自言為升斗往日辭親遊  
兒嬉膝前歡三載不可求所得較所失輕重真不侔  
于茲滿秩歸子職冀稍脩微官亦何樂觸事有庶尤  
米鹽聒雙耳簿領昏兩眸畏首復畏尾人役不得休  
豈無讀書暇頃刻但少偷幸此案上歷數日獲到頭  
白雲已在眼喜色津津浮我亦厭羈官如苦南官囚  
羨子有行色去若登崑丘更書縱未下投劾行當謀

次韻良器真意亭探韻并序

晉宋二史皆載陶淵明不肯束帶見鄉里小兒遂  
棄彭澤歸意謂淡於榮利足名高隱不知適所以  
訾之也古之達人勝士語默隱顯如固有淵明襟  
量如止水澄之撓之未易清濁豈以把板屈腰嬰  
意遽違初心哉以陶集考之程氏妹新娶居急於  
撫親故在官纔六旬遽歸爾豈惟二史失辭杜拾  
遺王右丞輩固一臭味也然杜詩云淵明避俗翁  
未得為達道觀其著詩集頗亦恨枯槁有子賢與  
愚何其挂懷抱王書云陶潛不肯見督郵棄官後  
貧乞食詩云扣門言辭拙是屢乞而多慙也一慙

之不忍乃終身慙乎蓋人我攻中之累也世人不  
知淵明類若此淵明何訾焉其自年來知景仰其  
風素到海寧築亭於南溪之上取其雜詩句名以  
真意今顯東良器諸公相率飲酒賦鉅篇彊韻春  
容豪逸配古名筆矣摸寫景物不復餘蘊獨恨不  
道淵明因次良器韻呈五君子書其後

我愛陶淵明脫穎深天機叢菊遶荒徑五柳搖幽扉  
生逢邠金興典年勢已非著書但甲子歲晚頻歔歔  
仕宦聊復爾樽酒真馬依南畝猶種秫西山同採薇  
浩歌歸去來熹微恨晨暉迷途往莫諫今是庶可幾



蓄琴但取意不施絃與徽觀其四八目賢詰在所希  
出處固有意夫豈輕行違誰云憚束帶辭榮俄拂衣  
念彼同產人撫視因適歸平生共志趣但有一翟妃  
少陵罪責子頗謂達道非右丞鄙乞食更以人我譏  
乃知第一流尚此知音稀妙詩發天奧流轉同衡璣  
自謂處人境喧無車馬駢心與塵事遠地偏堪遁肥  
東籬秋色晚悠然望翠微真意不可辨佳氣隨鳥飛  
詩辭向千載凜凜猶光輝我生但晞驥望之有等威  
行懷斜川游坐想栗里磯九原不可作築亭傍崔嵬  
獨取詩句名欄宇殊飛翬嵩谷有杳藹花卉無紛菲

修篁寒逼人坐如霜雪飛諸公賞清致野服馳鞞鞬  
經邱復尋壑不憚歷嶮崎壺觴更命酌藻翰各一揮  
高談破滯論妙處端解圍食冷或屢暖哦詩寧忍饑  
褒假猥見及責善非所祈願以靖節語佩之如絃韋

送曾守罷任赴關關四首

材大多不容論剛苦難受儒玄閱三朝偉馮今白首  
胸中有藏室設張動掣肘人言專城樂聊結新安綬  
獨喜衆毀言不及河東守三年四寶堂紅梅傾白酒  
出處固有在兒輩浪奔走豈復恨典籤得州如大斗  
老人聚扶杖兒啼使君前習知使君清一觴代一錢

六城十萬戶馬依刺史天刑清艾作鞞俗朴蒲為鞭  
赭衣入佗郡關戶得晏眠州卿大作社擊壤歌康年  
左轡忽照路更借知無緣願公治者廣此惠周幅員  
陽城拙催科賈誼困遷謫騎曹呼馬曹罰滿何止百  
一笑為闊畧坐免投此情鈴齋父黨尊均禮不賜隔  
人疑典午公豈嘗有此客連年三露章慰薦飛絡繹  
自慙骨相屯顧使議見格途窮窘論報紙札謾搖襃

紫陽如佳人晝靄送征舳含愁入長眉盡斂故時綠  
語兒已在眼歡迎走僮僕舊社問枌榆新徑開松菊  
還家聊作客行色催輦轂同升紗籠人拔士有豐祿

會當出水鏡一洗凡眼肉躋榮赤墀塗雁門詩可復

充學叙舊呈子充

羲和無停輪年鬢日夜改惟有金蘭心歲晚依然在  
頗憶四門館研席同諸生聯名理朱穆結駟留陽城  
縞紵初定交車裘容共弊駿馬馳春風休沐章臺市  
年少未涉道惟論場屋文鼻息拂霄漢心期勇風雲  
春闈鎖儒仙試席兩心競閨仙時乞靈孤懿肯移病  
喜君先得桂時我猶飄蓬鳳凰黃鵠嘆振手國門東  
離羣十周星為僚一都會涵牛鼎烹雞邑小非材配  
理縣不用譜政如密與蒲糗水代厨傳木索閑庭除

肯怜冰子窮夜凍午不粒綈袍累故人口腹煩安邑  
更迂長者轍來顧空宇中坐令羈官興不復嘆秋風

完府學及先聖廟呈權府唐逢叔

疇昔東家後分符景祐初奉先嚴復廟講藝結精廬

雄宇千樞拱園墉百堵舒原注學廟自孔道人亡但

碑板歲久半邱墟科斗藏書露鴛鴦隊瓦踈簷花空

自舞帶草不勝鋤舊國宗先聖微材忝大胥顧瞻徒

悵望營繕每躊躇官冷誰裨助謀踈窘奮攄荒功緊

入幙畫諾賴題輿記奏漢堂遠材資闕里餘原注求

材於外臺方克就後築謳聲暇豫馨鼓韻舒徐落落揮斤手駸

駸運甃車甃書呈七璧堂瑞列三魚水樂芹堪薦庭

驚棘自除廊腰回窅窅殿角聳渠渠鴉集祛彊慝翬

飛耀里閭肇裡嚴幣玉顯相盛簪裾原注適遇導俗

仍經學垂情豈薄書落成應枉駕引領望干旟

六月末伏小集廟孺探韻得清字

今日復何日大火方伏庚執熱懷涼飈命友聊意行

能詩偶無本可飲俱公榮廟孺得勝地景與情賞并

柳邊山色秀波底天容清窺蓮白鷺淨依藻游魚驚

持此壽佳客一笑身名輕坐中誰好事割肉歸卿卿

送六兄將仕先入都赴銓試

缺月耿疎林涼颺拂輕袵荒溪趣遵塗客子敢安枕  
自言赴銓府試判取微廩清時廣招延選部雜流品  
門子萃金張文人富曹沈春秋兩較試器業一精審  
探珠到淵洄求金自沙塲騰裝分區區蓄志常慄慄  
家翁昔初仕恬退聲籍甚求閑絕外慕行義鄙中在  
以茲久淹蟠通籍才十稔飄然宦游倦遽以歸休詔  
優恩得世祿綸告下綈錦兄材濟世美聖讀近天稟  
所長皆益人無一可鐫鋟擣辭昔賢均說經餘子噤  
臨書蛇蚓結撫琴魚鮪滄辛勤客虞庠藜藿就烹飪  
謂當妙穿楊百中羽皆飲如何遭刑頻歸步每踔蹇

茲行定楚舟已事空拾潘將期冠羣英喜劇不能寢  
送友赴試鉅野送之西門時方有外舅之戚極  
目無聊夜歸不得卧作詩五首却寄以風雲入

壯懷為韻

三吳炊未熟祇命挈挈東鉉刀一何補糧食賦類宮  
寥寥坐空廬寂寞如楊雄引脰望南境不及馬牛風  
何如廣文飯終歲與子同年顏吾老矣癡愚心尚童  
子雖齒髮少操行一老翁豈獨友于厚政賴博我功  
儒玄各精詣袞袞傾談叢欲知不常處乃在阿堵中  
此子早樹立抗志高浮雲委蛇處州巷頗以雋秀聞

挾書從我遊，追琢益自勤。便便經與史，用志初不分。  
疑篇了吐嗟，確論摧紛紜。文辭近道要，見者筆為焚。  
差肩魯諸儒，藹藹揚清芬。秋風濟陽戰，足掃千人軍。  
只今呼賀酒，佇子歸策勳。

寒齋篁竹間，牆屋久不葺。旁穿及上漏，雨過滿床濕。  
忍饑哦詩書，亭午或未粒。先生自不飽，濡沫豈能及。  
出門有紛奢，囊空自羞澁。世事不如意，八九更論十。  
問君胡不歸肄業，乃其急自言苦心志。更覺聰明入  
誰能學仲卿，夜抱牛衣泣。說經已鏗鏗，青紫真可拾。  
寥寥里選空，齷齪士風喪。狂瀾欲東之，汎濫不可障。

詞場自銜粥，相與計留放。夸毗徒一名，傾排至千狀。  
不知厲術業，徒欲擠輩行。黃生獨往資，風義古人亢。  
悠悠衰俗中，此士真可壯。

江南一紙書，沉憂割中懷。嗟予足憂患，生世苦不諧。  
忽忽子行色，適與遠計偕。破涕彊出祖，尊酒不及排。  
還歸坐講肆，寒篠搖空齋。推門誤相從，忽驚形影乖。  
誰云阻一舍，目斷真天涯。念子早自力，清明播朋儕。  
觸熱赴夷路，跨馬脚不鞋。自言取鄉送，通顯茲其階。  
臨別何以贈，手板裁書楷。

寄題長安譚損之遐觀閣

乾坤一浩蕩小智自窘拘低徊禪中蟲齧齧轅下駒  
達人獨矯首抗志在八區歸來繞荒徑所喜覺迷塗  
時讀穆滿傳乍觀山海圖林木淨交蔭所見與道俱  
誰能遠羈臣五斗一大夫築閣者誰子無乃柴桑徒

次韻張宏道勸釋奠致齋

齋居屏塵務况復儒宮清木落必糞本祭菜敢不誠  
瑚簋見三代錯落羅兩楹骨冷破夢鏡虛窓坐黎明  
祠官趣盥頰珊珊環佩聲巍巍素王像視若四海營  
當時杏壇上與享彰華纓樂教屬昭代弟子陳歌笙  
端如從陳蔡琴舞紛縱橫元功流萬祀德大徧諸生

次韻盧行之知原見贈

元豐詩禮將勲畧傳萬口長城國西陲寄托十年久  
折筮咎黠羌游魂屢窮走羊公緩裘帶李廣靜刁斗  
黑頭已青雲日昃笑擊缶陰功與忠諫二俱宜有後  
繩繩丈夫子茂宰最稱首不裁猶能裁應有既盡有  
邱墳三十車習復不置手尚友千載入豈論骨已朽  
芳蘭秀深林嘉芑就菑畝宜為數旬客顧作三日婦  
行聞尺一來內閣延枚叟

次韻李明

我生任飄蕩所向如虛舟誰能涉險難入此正急流

行止兩無累自遂逍遙游僂路豈不佳夙意非所留  
迎親四門館登道初麥秋政喜寢門近敢言征路悠  
山陽雨連月平陸不可求君將雜蛙黽渚不辨馬牛  
淮湖共瀰漫以為行者憂今朝好風色歌笑輕陽侯  
紅鱗上圍圍可以供殼羞便呼拍浮船甘味豈兩頭  
坐待缺月掛玉斧亦可脩醕酹聊自彊淹速非人謀  
數程次京國猶待半蓐收相從共蒲酒賴有嵇阮儔

再和示李明

劍不用置履柏非可為舟古來個儻士渠肯甘凡流  
君材早邁往華問馳交游高文筆如掃雋辨舌不留

白黑自了了皮裏藏陽秋擁卷得淵旨奮辭祛繆悠  
身雖不求人政自人所求恢恢有餘及所見無全牛  
享衢恐不免位遇豈足憂初官三語掾審克禪藩侯  
退公豐暇裕問學日益羞行為孔獨誦端以賈長頭  
嗟余過立境沒沒謝蘊修廣文一節足其他非所謀  
勝境定時訪良書亦可收但恐與君別無復往朋儔

誦金剛經滿二藏偶作

我誦大智度非疾無日空銅爐海岸香亦復充淨供  
積數向洛义而實未嘗誦凡諸有為法實如幻泡夢  
一字本不立况有千百頌不受一切法乃造預流衆

於法有所得十八成不共妙理端會心筌蹄那復用

### 妙淨院

入門無行路十頃漲方塘藉葉受微雨瑟瑟瀉滄浪  
石梁一何偉延袤百肘長臨流兩華屋東西蔚相望  
雲堂始斷手潤蒸松桂香弛檐諧雲卧何殊贊公房  
夜步庭除月心與空水涼世人侈居第規永庇蒸嘗

墓木未及拱破齏何披猖何如施給園千載綿寶坊

君看寺前村至今俞氏昌

原注唐俞氏捨宅為寺故云

### 禪靜寺

古寺隣曹崇怪石羅庭戶奇礪漫難名鬱林不知數

集虛竦蒼檜左紐真獨步兩詩照丹壁好在支與許

原注寺有毛令及維琳詩

却坐留芳軒松竹發佳趣山行未覺疲

更問勞勞路

採芝庵明辨師求泉名以月光命之

方池冽寒泉湛湛纓可濯其源出陽崖其委則陰壑  
齋盂給晨炊茗椀共午酌道人習水觀趺坐閑兩僑  
性水了真空非以識心度浮種諸刹海視身同不涸  
為名月光泉永配一宿覺

己丑次梅溪樂平寺兄子宗丞嘗監鎮即寺為

廨卒官晚之東莊



蘭陵華腴姓數不到吾族何堪從子賢變滅石火速  
早寒東堂杖宗寺副博睦迎親官就此半載歡水菽  
方開萬里塗一蹶遽折軸我時跼里居十起媿骨肉  
竭采訪遺蹤徙倚寒溪曲人與紫梅花二俱不可續  
憂端齊前山東莊寫松竹

次去非韻簡元忠使君

翻飛墮青冥巖邑漫濡跡脫無賢已交久矣去移疾  
興州天下士竒節非錄錄魁然索價高未肯輕沽玉  
居閑時過我端若右尹夕文詞天分工沈詩更任筆  
蟬連語人微不覺聽更僕舊交半廊廟勲閑藏帝錄

母寧一麾出不屈數旬客五十始過二榮途尚努力  
才資况加人何止什與百是事姑置之秋日方在翼  
鮮鮮黃金花冷艷照墻屋郊原休時雨枯槁蘇霑足  
城南天息河流水有令德相携共擊汰泛此寒湜湜  
九月二十四日陪少蘊左轄飲朱氏林亭以朱

行中寄其弟詩為韻席上同賦

蕭辰天宇澄雲物掃氛霧寒飈振飛藿策策商聲中  
官散無町畦出若孤雲蹤仰懷山中相隱居隣二仲  
駕言訪精舍連日食指動午坐烹茶龍夜飲燒燭鳳  
殷勤數啗我省煩慚閱貢美哉澄空隄松竹鎖巖洞

恠石初平留嘉樹橐駝種山水有清音招隱詩可誦  
初如叩清角乍若聽幽弄窺臨已不惡况乃陪營從  
清談木霏屑圓機盤走豕清寒逼吟魄不起梨雲夢  
半生了官事今段幸少空坐有第一流不飲宜自訟  
人生行樂耳急若奉漏甕東山恐不免袞職行登用  
槎通天衢升茅茹諸賢共惟有數竒人辛苦仍耘葑

蒙左轄復次韻見寄復賦一首

四海吳興公嗜學屏塵霧妙齡儀天朝獻納言必中  
軒軒雲鵬升洋洋壑魚縱內庭大手筆傳班真伯仲  
武庫富所藏砥柱屹不動翫髒妨居中大觀俄歸鳳

歸來一丘壑彈冠謝王貢業莪懸雷山窈窕琦玕洞  
竒礪不待輦桐竹已前種神昇賈長頭天扶孔獨誦  
衡霍縮地來林深聽幽哢軒池攬風月杖履屏營從  
山貲自足了不待燒鉛承斯文未應喪審象俄入夢  
巖廊翊元化告猷無日空上游倚韜鈴出聽秣陵訟  
方將贈劉闢行酒羸萬甕急流自勇退惟深閱神用  
行藏亦何常此道聖賢共終為巖野霖且並苔溪葑

盆池放魚呈曹文中

小魚如針鋒大魚如柳葉舍之石斛中潑潑逝鱗鬣  
秋毫麤與乾腹果意各愜渺如在湖海不歎杯水狹

笑之復自笑，邑小大邦攝。搖足已恐墮，一動不敢輒。  
廩人給五斗，饘粥周兒妾。雖然頗自適，携杖園日涉。  
豈羨蟬冕窟，遷擢等常獵。漆園信知魚，非惟常夢蝶。  
辛卯次霧山大明院進士萬廷老介來謁

石橋跨斯干路，轉得佛廟叩鐘集。黑衣迎我干指開，  
龍宮五十軸金碧爛相照。空翠沾我襟，冥濛認堂奧。  
無乃張公超五里，方術妙鄰居一逢。掖作名徒為倒

莫言山未深，終當隱玄豹。

寄友卿窄韻一首

昔子遊魯中，飄然起幽棲。脩脩一書篋，長物無所携。

辛勤涉長道，足趼面目黧。自言寡聞識，走俗多沉迷。  
今不勇自奮，蹉跎將噬臍。類渴欲石髓，如矇想金篋。  
來造胄子席，求言覺端倪。嗟予淺聞道，太倉之一稊。  
松菊有荒徑，桃李無成蹊。胡能使穀似，每每頽顏低。  
晨昏不予舍，三改歲攝提。對案但首肯，有黍多無鷄。  
一笑為流啜，甘若羊新刲。秋霜八九月，絺綌臨風淒。  
寧甘范叔寒，不求故人綈。夜窓經與史，短檠照栖栖。  
靡曼一不顧，端如金日磬。鮮子甚年少，老成同齒覲。  
照庭真玉樹，訂座稱佳梨。為文頗挺拔，絕去翰墨畦。  
聲華出諸彥，籍籍喧青齊。遂收濟北薦，謂即辭蒿藜。

如何尚齟齬時命多乖朕方今天子聖隆學古與稽稽  
美化決遼夏文星動婁奎郡邑各鬻宇夏屋華棟題  
師儒自廷授望實多金閨大烹極鼎味豈復嗟鹽齏  
月書季有考升舍茲其梯吾邦矧多士擅富浙水西  
文華粲星斗光彩騰虹霓似聞與二難同起公堂躋  
侃侃共輝映乳酪兼酥醍文高各揚邁質美皆懸黎  
生資固不凡器用况已犀先生力推引同志無傾擠  
亨塗可自致如車資軌輓明年拔寒俊一封下芝泥  
鄉校佇賓貢跋馬登隨堤談笑取通顯豈直組與圭  
張周韓侍御遷居北市示詩次韻

神羊厭莪冠銅虎出分土一區久未卜薄遽歸無所  
寓居得爽噫衆口粗安堵委懷榮槁外長歌樂韶武  
自言倦霜臺筆端有蕭斧毋寧乞小榻松菊問衡宇  
未看武當山脚踏南梁鼓浮生皆寄耳莫作飄流苦  
要津况虛位掀騰在仰俯政恐尺一來均人隔綏撫

朱偃吹笛

李謨弄梁州獨孤生竊笑聲既襍夷樂原注 龜茲 疊復誤  
水調區區許雲封女子稱商肖天寶小部樂能使玉  
妃醜論竹取雲夢不老不可少七月望一周生代以  
此料韋郎銜名管半曲裂數竅風流邈無繼是子差

可教安得君山翁漁艇巴陵道  
擻念三五聲萬籟發  
天妙清音徹四山猿鳥驚飛噉  
大管藏合拱直俟元  
君召

壬辰次靈峯山百福院

豺虎縱鬱攸此寺神獨赦  
樓臺倚山腹碧瓦粲相射  
奔崖挿雲霄縮地見衡華  
竹翠染僧裾泉聲喧佛舍  
峯巒佳有餘顧揖真不暇  
我欲陟山椒磴嶮未應怕  
摩娑舊聖石政恐嫌俗駕  
感慨明義師徘徊一悲咤

披雲崖

深公出東都山色已清好  
流行滄江上快意時絕倒

洗盡眼界塵招提迹如掃  
衆挽來靈山世故亦相惱  
平生愛山心不厭更幽討  
捫蘿開細岑脫履藉豐草  
聊煩坡陀石坐此突兀老  
是身端如雲去住殊未保  
孤峯起孤煙晴湖漾晴昊  
賓主兩忘言可為知者道

跋胡德輝程詩卷

一官三語掾驅車大河北  
飯澁羹亦稀哦詩寫胃臆  
作者非難到已自入閩域  
郵筒遠相餉我豈今衡尺  
粗能擿隴雲亦不誤雌霓  
千里得行記了了所見歷  
士材有如此磊落固易識  
寄語直指公勿作寒蟬默

德輝次舊韻見寄復和

邗溝別清揚十稔限南北羈游多面交從誰吐心臆  
初筵羣玉府香譽藹區域如何竅言加進寸輒退尺  
歸來賦郊居邀客賞冰霓青雲一蹙易斜飛要游歷  
水鏡豈無人瑾瑜固易識君子有常道要下失語默

題柘城懷古亭

陳本太姬封卒以夏姬亂君臣同宣淫父子並遘患  
直諫洩治死詐忠巫臣竄郢兵討少西吳墟且為縣  
嗚呼女戎禍陳祚僅如綫餘波及羊舌伯石實首難  
我行徑株林懷古一興歎流波似當時唯有城東渙  
癸巳次古浮山普慈寺

老人百念冷看山獨不足未能尋地肺聊復訪天目  
路出古浮山木杪飛華屋松迷突兀殿雲鎖窈窕谷  
高閣藏複道朱欄穿屈曲羲和隱崑崙借此休騶僕  
小摘園中蔬充我屬厭腹緬懷我牙翁草廬親卜築  
意恃金匕藥終亦戢一木不如學無生妙諦祖身毒

甲午次東天目山紫陽觀梁武初置昭明太子

勒碑紀當時恩獎之盛

蕭公老寺主亦復知尋真大同築精舍招延羽衣賓  
園囿廓數里嚴更紛徼巡東宮奮鴻筆紀事傳堅珉  
山基半吳境高與帝所鄰偉哉古石室空洞容千人

當年許遠遊自此升玉宸至今雪山草靈苗雜荆榛  
幽池湛寒水亦說棲龍鱗靈物有變化誰能窮其神  
窺臨擬仙去未信隔兩塵

乙未次普信院與首座惟表談道

蓐食起紫陽憇寺始亭午清幽釋子居山影落窓戶  
樓臺互相臨雲石梁可都陰崖溜清泉甘美過牛乳  
山僧立勝事爭以筠筒股表公久遊方妙諦明佛祖  
雖未衆拆床已見屨滿戶相携環翠堂身覺度飛羽  
登臨固已往况乃真吾土  
余謫沙陽地僻家遠遇寒食如不知蓋閩人亦

不甚重其節也感而賦詩五首以杜子美無  
家對寒食五字為韻

往歲遇寒食親賓相與娛飄零客異土對之渾若無  
豈不念佳節寸心愁欲枯花間有好鳥勸我提胡盧  
一醉聊自適醉夢歸東吳

異縣遇寒食悵然懷我家千里遙想望各在天一涯  
佳節無與同冉冉悲年華鳴禽花底聒舞燕風中斜  
物情各自遂羈束誠可嗟

天涯遇寒食嘉節無與對獨酌一盃酒慷慨使心悔  
來者復可追既往那復悔倏然猷畝心敢忘犬馬愛

之推自欲隱去去何所對  
嘉節遇寒食春陰猶作寒  
閩人不知重渾作等閑看  
錫粥不復煮青楓誰與鑽  
開窓延霽景脩竹正團欒  
翠眉雙侍女對此一樽殘  
逐客已淒涼矧復值寒食  
花深日遲遲院靜春寂寂  
雨餘山吐青日落霞掃赤  
浙江渺何在三月無消息  
棄置勿復陳吾心乃如石

丹陽集卷十七

五言古詩

涉汝詩屏序

宋葛勝仲撰

汝河在臨汝門外半里所余屢携客坐河橋上觀  
水石搏激為雷霆洶湧之聲然未泛舟也今歲秋  
七月甲子連雨三月水暴漲數丈渺如湖海始招  
下三舟携二子出泛以微熱不敢率去非昆仲歸作  
是詩

居官行兩周出郭步半里名稱臨汝守初未涉汝水



今朝破巨浪萬頃奇一葦源從天息山此地乃其委  
青嵩正北踔紫邏復西峙兩岸千萬峰落影照清泚  
下瀨居迅速舟輕激如矢周南滯留恨此段聊一洗  
悵無周旋人同載如郭李似聞汝陰湖揚塵清頰尾  
醉翁漾舟處無復碧染指歲月供感槩人事有遷徙  
茲水美洋洋正堪行樂耳

再和涉汝詩呈去非仲伯

清汝如荆溪不異我州里奔流相颺感敢謂衣帶水  
携賓泛漫汗盡鷓延綠帶出城散腰脚朱墨逃紛委  
却望城中塔烟林隱孤峙何人覩清景墨筆可就泚

幽尋要聞健善飽未遺矢塵纓政堪濯凡髓亦可洗  
不須學東山韶顏載桃李顧當似白傳玉粒炊船尾  
繪縷所鮮鱗遺客動食指風流得意事一官不願徙  
脫有戚戚時晤言消之耳

送姪元延之

浮游五嶺南撇裙徧遷客寵以龜冠詩獨步文章伯  
十年未得調浪有聲華白來寧未死叔知費幾馬策  
相携泛清汝壺酒映山碧肯嗣陳留風一笑飲為劇  
清途予初是我老欲投効出處政參辰此歡寧易得

俞居易侯兄弟並時為屬邑長示其父所藏東

坡送行詩用其韻跋卷末

吾州兩支邑伯李俱鳴琴清談一傾倒疊疊正始音  
文室賴芝蘭藥籠資桂參猥示晏楹書什襲緘藏深  
好事識雅趣揚美知孝心躋榮荷門基行矣勲業尋

戊戌次福勝院

錦溪足墟落高陸推繁華豈惟邑屋富政自山水佳  
幽清背人境千柱梵王家巍巍二子亭雲表飛簷牙  
我生功名忤崑崙為生涯山僧類祝田施薄永者奢  
乞書鳴剝疏無鵝惟潑茶一笑為涉筆勿笑蟠秋蛇  
比作青蘿山塔記并徐敏求墓銘皆蒙宏道為

書作詩以謝

文苑無飛聲碑板謬見赴結因時佞佛書美間諛墓  
從僚乞正書見許不嫌屢虞筋與抑骨濃纖皆合度  
浮海觀鴻戲抉石逢猊怒吾文敢言絕驥尾蠅所附  
它年翰墨場不朽知有助

次長清寺

迎賓一紅亭棟宇飛半嶺松筠引幽步以漸入佳境  
陰風起澗壑凜冽噤蛙黽歸雲擁僧祇飛溜入茶鼎  
搯筇薰風閣玉溪兩峯並中關認穿山一點烟鬢整  
我來見所見賚恨在俄頃邱樊絕泥滓鍾鼎值機穽

老逐黑衣居此心真烟烟

烟烟

至南陽却寄吳興諸僚

震州推不去游食歲月久尺一從天來換作秦頭守

迎新無竹馬託舊已芻狗迂愚敢護前驚發賴鞭後

獨坐百花堂還憶百花酒

原注南陽百花洲有百花堂而吳興上醞謂之百花

酒

與襄陽太守張亞仲顏幾泛漢江

春波漲醱醅錄淨疑染黛神女昔江皋翫珠仍解珮

沙光射日明浪影搖風碎樂哉今日遊放溜舞滂湃

華觴挹空闊疊鼓助擊汰仰視白銅堤岑樓飛綵繪繪

遊女凭危欄紛若五家隊真想謝官拘意有千里快

遠岸指烟藍飛沈羅水磴尚想兢渡時千般唱何在

襄陽大悲院作

善財叩補陀大千一彈指我行無神足重趺二百里

中年逢百羅所欠但一死稽首聞薰王覬以谷障洗

魚山彊讚述文汚梵書皮

原注予嘗為觀音讚文行於世

自憐迷本

聞云何見大士覺與所覺空根脫不用耳圓融散度

垣變現月映水臂目恒河沙如幻本一理以是見觀

音文殊亦如是

乾明院作

我欲乞襄陽驅車峴山址文弟杜征南酒酌羊叔子  
披榛訪二碑事辭俱後偉高賢千載後道魄猶登此  
一官推不去事故違願始不如造乾明山名亦相似  
交流千斛乳未減江水遐眺真不惡悲傷未獨理湮  
沒與垂名趨死皆一軌我與同遊人痛飲共擇旨生  
前一杯重恨山無石髓預憂名不傳却笑鄒從事

游峴山

山隨宇宙結千古真冉冉登臨足覽勝莽未余復忝  
山椒聳太華夷路謝躋險溶溶鴨頭水綠淨衣可染  
漁師網搓頭盡以紅鮮掩金刀鱠縷飛來佐華觴灑

前脩俱鬼錄勲閎謾琬琰谷虛禽響答月皎煙華欽  
同登幸曠士形迹孰拘檢長嘯揖清流一洗鄒湛諂

次韻葉夢得遊西余山

秋霖喜新霽褰飯山中遊遙指大夫橋閑泛野人舟  
追隨得勝客雅趣同滄洲山路已清絕顛氣况蓐收  
亂石蹲狼羊蒼官聳髯蚪古寺亦何有森森瀟洒候  
忘懷一笑粲更以太白浮翰林廊廟姿席珍韞天球  
如何問三徑更復尋一丘升高澁投足陟險眩迴眸  
洞庭四萬頃旁占鐫脚州中有東西山千奴熟霜秋  
孤亭快寫望欲去更少休菟裘便可卜何必依先疇

徘徊共懷古，徂歲真如流。封侯昔此地，顧余乃諸劉。  
一朝失茅土，窘急須人周。雍門曲池嘆，事往將何求。  
雲木餘參錯，煙崑自深幽。人生行樂耳，慎物曲如鉤。  
栢悅堂宴集，晚移望嶽亭。德升有詩，復次韻。  
陰森美章園，爽塏背塵陌。紛紛疆家勝處，此其伯。  
登危覽幽奇，寬敬喧盪窄。層層錄陰暗中，孤花折三  
品。玩伏虎兩部當鳴，主人延客眼清映壺觴碧茂  
宰工撥煩恢，奏刀割謙。梅諸鉅公燕笑燕席宴予但空聲管職無半策翰  
疆抽身林池，同息跡金火。爭伏見執熱如焚，炙頗顛。  
百斛船浮浮，兩頭拍嶽雲。挿晴空移尊及未夕，清颺

起四座，蕭蕭生羽翮。人生不謀歡，滯眼計月瘡。誰能  
較榮槁，瑣尾論干澤。相從飲文字，一笑百憂釋。歌呼  
到尔汝，坐待霜月白。歸軒踏清影，光謝紗籠赫。

幽居夙興

宴安毒于鴆，嗜睡真成蛇。攬衣待明祭，是味豈不佳。  
天宇自澄穆，羣鷺肅無譁。喔明鷄一鳴，中星猶撒沙。  
皂莢頰頭目，揚枝清齒牙。爐中結願香，淨几對貫花。  
澄懷覩道祕，浮念無由邪。欠伸起三昧，雲錦升朝霞。  
蒙莫伯鎔餉酒，携即菁村元。舉山莊賞菊坐客  
皆稱歎，以詩二首謝。

野飲政自樂何庸拘束交窮居闕醇旨迫此歲欲凋  
冷仙斂照生開嘗驚韻高秋空映黃菊氣澄掃微霄  
携之壽佳客豈諱十里勞供釀者誰子頗疑人姓焦  
三杯反淳朴一醜破鬱陶酒材兼譜至我醉吟今朝  
迷塗下自覺坐見六秩交霜髮凜無幾况此日夜凋  
所寄在酒盞傾銀不辭高澆我磊砢胃那復氣干骨  
手開赤泥封不辦呼孟勞乍紆愁腸回亦沃渴肺焦君  
甚似江州媿我非姓陶為僚且親串酌我非一朝

謝洛師蔡尹靖餉酒

叩門亦聽尹來餉香州酒底貢上天閣餘漑列哀朽

開嘗正及卯醇旨異失酉公不數瑤泉家還卑玉友  
我時苦無棕愁緒不論斗紛紛方寸亂飛絮起風柳  
呼兒共一尊盞盞純氣守豈惟詩膽大更覺魔軍走

寄謝魏陽元煩望掃愁帚

和韻答馬用宏毅朝散

三吳汗漫遊彌月沐風雨歸來駭貧舍忽有金剛杵  
豈惟心疾失頓覓頭風愈句如水壺清格類瓦棺古  
五言有奧境此段得箋詰吾哀久寂寂笑人憂鄧禹  
自貶豈不能趨虞競姍悔洞庭巖壑秀信美真吾土秋  
濤浮乾坤日月互吞吐中有七十山招提稱踵武歸

命兩足尊一洗俗諦若但喜經翻貝那知撒馳羽鍾  
魚走諸刹衽席詎安處洞天隔塵寰仙境一二教毛  
公金丹成拔宅已輕舉空餘朝斗壇遺址猶可觀法  
城有龍象今作西山主淨瓶返真机松枝代揮塵示  
我第一義金篋破昏瞽清游懷清標所恨隔才語茅  
廬新暨塗戶牖木僅斧劇談佇公來相望十里許

用宏見和復和一首

荒鷄號將晨不改風及雨高賢兩投分定交從白杆  
心期久弥堅膠漆比孰愈有初顧隙未賣友起中古  
五交有形狀孝標能訓詁邈哉彈冠契王陽知貢禹

粟摧獻巧妍失時輒輕侮管鮑貧時交此道棄如土  
孟嘗唾其面憤懣聊一吐翟公書其門薄夫常接武  
蹇予不知量拔士偏寒苦見欺多校人覈寔失子羽  
歸來蓬蒿園弔影甘窮處知舊棄如遺那復見此數  
誰知荊州丞厚德能克舉任安窮不去平仲以更觀  
詩文連慰籍詞鋒設賓主剡藤快展讀如對飯落塵  
惜哉華國文乃以觀朦瞽春容寫河漢寒窘笑三語  
才凡特俎豆德薄更藻斧玉卮寔無當深恐累稱許  
海昌從中散兄游硤石東西山及讚山而別兄  
獨游黃灣諸山寺罷寄三詩因追述前遊却寄

相從十日歡預恐別淚滴重謀訪林壑庶復延晷刻  
好山塵一舍何惜蠟兩屐東湖浸坤軸浩蕩鷓鴣擊  
方舟穩睡餘帆已收硤石東山號紫微數殿聳金碧  
我祖練金骨井湫湛寒色颯輪已仙去千古晋王液  
當年善遊師福壤眼獨識上方子亭高俯眺衆山脊  
空濛雲海寬想像人境隔夜投溼虛閣萬籟森已寂  
軟脚旋呼尊亦復兩顧赤黎明登西山岌業動人魄  
華榜揭靈池審公存故迹高堂坐白衣巍巍妙智力  
道傍兩精舍聯步徧游陟讚山特超峻四雙舊飛錫  
綠猗環高竿蒼髯矯千尺吳越峯峦秀羅列在几席

情賞未云厭六龍俄已吳轉溪遂分袂惻愴不能食  
還家待詩筒妙語粲珠璧具載黃灣游恨不逐飛翼  
流光信駒隙簿宦助鷄他年倦招尋畫圖追舊歷

硤石寺間繫豬明不能食

夜間刺豕聲哀號欲趨死黎明肉入饌念之難啟齒  
口腹我可賒性命彼所恃右軍惋烹鵝東家喫供雉

七月一日招道祖劇飲

長卿已勸游十年安澤國越鳥巢欲南鷓鴣飛懶北  
會子亦蹭蹬從子寄岑寂有酒時相邀歡飲終未劇  
今當大火流似聞姊喪釋羽書靜追呼樂禁通考擊



掃除北窓涼招速東床客暫勤車騎都求輟春秋癖  
白啖若無賴紅顏因暫惜畦蔬擷菘韭園果剝梨棘  
金齏荐子鵝銀條鱸玄鰒方響舞袖寬珠貫歌鼓激  
景升陋三雅淳于能一石擬取醉轄投慵持詩燭刻  
浮生百年幼且盡一朝適莫待佐稽山對案空相憶  
諸人見和復次韻

淵明事獨往謀酒不謀國引壺自酌罷高卧幽窓北  
孤松供盤桓五柳伴幽寂時赴中道邀未覺體小劇  
八旬棄縣令忻若重負釋安石登冶城清談工剖擊  
竹林事游燕百金費群客絲竹聊寫情副此杯鐘癖

歲晚白鷄憂頽齡天不惜二士俱好飲世運屬艱棗  
身今掃閑軒紅蕖蔭魴鯽遠挹環峯秀下臨湍水激  
得酒且盡歡何人壽金石不如更添燭夜漏淹晷刻  
醺酣便逃禪酌酤非闕適從教醉謬誤黎明不能憶  
却其次韻章塔道祖山棕居

我本丘壑人負乘輒致冠歸來卧湖海夢斷三接晝  
尚餘憂國心帶眼日驚瘦騰杜居景山飄飄雲出岫  
門無長者轍相見誰骨就吾甥相國孫款我裏糧糗  
禪關有聖解已語則無咎兩庵同相攸卜隣殆天授  
登盤無檳榔客居必見宥富貴應自知不詢唐舉壽

病起二首

春風三禩陰我亦除積痾客居有園林得暇輒過殘  
梅雲尚積曲沼春已波儻或不近酒如此推遷何  
人生身後名孰得還孰失豈若一杯酒聊復得永日  
如何杜陵老感難百憂集不飲孰忘憂飲多或生疾  
惟其疾之憂已矣兩相直

立方和韻復和一首

屬疾大廢食始進一麥麻客至闕均呼禮兒辦爪茶  
冷落乏勝事病苦將日加兒曾解人意為潑閩嶺芽  
山深生意足香味冠百嘉依稀仙掌露髻像石橋花

過盞謝新法失杯戒憎蛇甘我舌三寸澆我書五車  
餘瀝均學子少長各有差何須待鞠臆此段固已佳  
人生草頭露迅晷堪驚嗟適意貧亦樂鍾鼎來何攀  
朝復何幸濯暑分流霞蘇息問蒼生欲泛牽牛槎

錢氏通惠泉

山翁徹骨清日飲一瓢水天公隱其窮殆石髓先敕  
西神君一派疏清泚初驚石罅出盈科未未已其瀦  
為淵潭其匯則沼沚酌比九隴泉錫味參差是一甌  
紫筍春牙頰留甘美餘波共濯纓濺沫邀洗耳山中  
有異事喜甚屐折齒長安昊天觀秦吳隔千里安云

脉絡通道人真踈矣寄語贊黃公未應停水通

謝興之餉魚肉二醬二首

貧厨不舉火素拙没與乾拾煤未為飢猶有食一簞  
拜嘉欣二醬顧尚闕晨食快啣亂蒸肫那學武子奢  
瓶中之儲米請粟望子華佳醢得新味羞豆應當加  
盎盎鵝兒酒風厄起微浪何以侑芳樽尊羹調得醬  
羶肩與魚乙佳惠過臺餉黃雀釀披綿江鱒研玉板  
對之無留觴固已號佳饌持此配黎羹更增貧士赧

送同郡識上人遊圓覺問道慈受

道人獨往韻半生服行衣專門施氏易編脫屣絕常

文詞粲藻火片語不救飢棄家學心法感歎悟昨非  
兩年飽三白噀視甘與肥南行訪道師芒屨常輕飛  
側聞長者寺塔廟俱巍巍堂堂第一代龍天共瞻依  
騰裝來見語舍是將安歸勉旃叩玄旨心花發清輝

東莊院

此君如佳士得一不為少如何彌崗巒十里青未了  
泉源湛山椒紅亭藏縹緲奔流瀉萬丈穿林下縈繞  
居僧惜泉出少借作溪沼水霜濺沫亂琴筑仙音杳  
水竹自莫逆獨厭通客擾我亦願結交禪房寄深窈  
門前石盆潭奩鏡澄不撓寺後仙壑峻嶂挿雲表卜

游已經年此志幸不夭菟裘在何許清境吾將老

中秋無月與伸伸飲書齋書呈伸伸

我生不如意十事常七八窮巷屬中秋乃有長者轍  
相逢急呼酒坐待盛滿月那知天所闕不吐水輪潔  
王孫神膚清與月真莫逆牛渚舫中人武昌樓上客  
千古明月句腹中無一闕我窮輒相累昏燈照愁絕  
憲蕉響疎雨杯負琉璃滑豈無仍圓夜又恐間何闊  
呼童歌嗚嗚一笑助耳熱

送伸伸歸漆塘以語及君臣際經書滿腹中為韻十首

僞居始定交寄誠用縞紵命駕輕千里次亦推稽呂  
哀俗日益偷此道棄如土如何五載間七返慰羈旅  
崢嶸聽崇論璀璨驚韻語江湖風浪高媿子蛟龍苦  
家貧困百須祿廩不時給接浙不漬糠孤斟但飲濕  
長者車轍至園蔬親掇拾主禮本如意八九更論十  
牛心餉會稽猪肝售安邑茲事固糜力亦不能及聚  
書三萬卷斷自典與墳籛金固已多是家那得貧平  
生謝雜好童習至白紛幽經與恠牒一一儲心君坐  
全說今古奮袖真如雲何當過藏室手披至宵分時  
時咀熊膽辛苦似佐勤

君家髯御史百疏嬰龍鱗死喜作忠鬼生甘為旅人  
高節渠無繼從子蓋其倫危言對便坐翫麟不顧身  
重道輕祿仕無寧常隱淪它年青史上牽聯書直臣  
潛山賦歸來卜築聊自憇巖壑發天藏桐竹如手執  
寒泉西神派那復問水遞割井餉兒女伐木課童隸  
意行及跌坐宴然契真際誠從古人求三隱真可繼  
中年燈火讀閱遍汗簡青歲晚得奧境領略在六經  
肯薰班馬馥要續丘軻燈只今未康濟斯人尚郊坰  
亂後寺蓬轉風雨摧敝廬寄身菰城南誅茅縛幽居  
家山在何許清夢時一如南鳥每懷越北馬常嘶胡

天狼今未落中原猶羽書歸歟不即賦此心耿朝晡  
一屢肯相容卜室終桑榆

失勢水投石得時山壓卯富貴親眷稠貧賤交情斷  
叔世澆薄中風誼如君牢生涯一舸風何門不堪欵  
龍坂不著脚乃數訪幽散語離大匆匆寸心常不滿  
皦皦常易污容容每多福為嫌狙賦三乃作龜藏六  
平生經論手都在十圍腹似聞紗籠人盡力欲推轂  
東之今已老鶴頭來要速  
頃年官黃岡清俸綠手空飽暖到悻獨吾寧守其窮  
竭來添塘山把楹杖橫從自言畏多累不復愛畝鍾

負郭鄒蘇子沉舟似龐翁絕勝南陽人辛苦耕陰中  
遺後但清德有子人中龍

東山 明日元舉赴召見別用前韻送行

吾君急升平元凱登二人赤墀擁豪俊青雲啓塗轍  
巖居及川觀號召無虛月微君筆瑞世制行圭玉潔  
回來端神羊不畏龍虯逆嶠南歸興動只作數興客  
跡雖遁烟壑名常藹雲闕果膺尺一書赴隴催裝發  
遂恐長烏府席與羣王絕眷言國步艱敢憚泥塗滑  
牛刀剗繁劇鵬翅摩空濶相期扶中興何止得官熟  
丁巳遊大雄寺有陳朝檜下

古殿藻井高椽栴窮壯麗黃金四佛榜煌煌曼卿字  
廷中檜異狀封植天嘉歲直幹龜鶴年樛枝龍蛇勢  
陰森歷九朝知閱幾興廢石根青銅柯孤高方得地  
應笑九草木俛仰見塵痒緬懷陳季年三閣事壞異  
後庭唱未闕已作墮井計獨此歲寒姿與佛常閱世  
寄謝青牛宮勿輕大雄寺

緒山承慶報慈禪院劉希範資政墳寺張叅預

為神道碑

故人具鷄黍相携登緒山松桂蔚回舍上巳煙霄干  
陰風起天籟誤聽號驚湍新寺凝碧瓦突兀數十間

君恩錫香火以報願復艱亭亭無媿碑銀鈎墨初乾  
蓼莪避顧孝汝墳起周盤罔極疇不念此致良獨難  
彭城廊廟姿報國劔鋒寒末途禦魑魅為憶隔生還  
榮枯信反衍誰能保常安徘徊積慶堂老鼻一辛酸  
戊午出長興郭泛西溪至清果院

朱藤花隨影卷盡因名溪林壑莽參錯鵲鳩挾春啼  
刺船未云久眼明古招提入門赤泥亭石梁亦可躋  
佛殿制溥古凌空飛拱榭其念陳祖此境嘗幽棲  
蝦灘弄竿綫罷卧聊蟠泥一朝風雲會起舞隨荒雞  
興王豈細事荒陵出金犀賢愚同一丘莫厭青鞋胝

戊午次吳山解空院乃端師子道場是日上巳  
呈法中禪老

尋幽勇鼓柁茲山初問津雲煙落吾手若水清潏潏  
蒼官舊千章類不赦斧斤以茲海藏湧突兀千蒼旻  
獨餘三大夫敬蓋皴龍鱗下閱往來輩蟬蛸不知春  
迎賓上人者貌古意甚真豈惟嗣老端勢到粲忍親  
陟猷猷既幽絕飛談復清新何庸浥寒波更被元規塵

已未次廣惠院

下若水沄沄佛寺古邑西開帆但五里不到將噬臍  
懷古展清眺崇閣聊攀躋法生有鼻祖樂此山與溪

自言子孫賢茲地興王基霸王受九錫二紀承梁齊  
空餘陽烏阜石人卧荒蹊陸滙天隨家嵩花伴幽棲  
留傳杞菊堂墨妙懸樓題秀色有他嶺招尋更杖藜  
山林且放誕邊城多鼓聲

次吳粹老觀我齋詩

立我謹外韃逐物戒內熱樊然辨物我此意猶屑屑  
是身本虛空何者為六結雖慧念不起雖定照不滅  
無我與我所觀亦于何設古臂彈已化左肘柳方檠  
顧君進此道遺我自朝徹不見魯東家意與我俱絕





書